

# Joaõ

## Deuxu Rybe Wihikỹ Tỹmyra, Joaõ Tyyritidỹđu

**1** <sup>1-2</sup>Ibutu aõna aõnakõu, Jesuisi rarehyymy raremyhỹ. Tii rybehyy my raninira. Tii Deuxu-wana ihỹre. Ihãre tahe tii Deuxule rare. <sup>3</sup>Tii ibutuhukỹlemy riwinyre. Tiiõhyykeki tahe, aõ releõtyhy.


<sup>4</sup>Umytuedeõna wahidỹđu tii ihỹre kia-di iny mahãdu rayky ritoosõnomyhỹre ritỹnynomyhỹre wahe. Kia loosõna heka bede luru ludu loosõna rare. <sup>5</sup>Bede luru tỹnyna loosõna rare. Loosõna rõtamyhỹre, bede luru tahe rãnodỹỹmyhỹre.

<sup>6</sup>Deuxu teõduõ diteõnyde, Joaõ inire. <sup>7</sup>Tii loosõnamy rarybekremy nade. Kia rybe-di roholamyhỹreki, ibutumy iny rityhynyrenykremy.

<sup>8</sup>Joaõ loosõna aõkõ rare. Urile tuu rarybekemy nade.

<sup>9</sup>Jesuisile loosõnatyhy rare. Tii bede-õ nadeu, ibutumy iny rayky ritoosõnyre. <sup>10</sup>Tii bede-ki raremyhỹ, bede widỹđu rare, ihãre tahe iny rieryõhyre mobo tii ihỹre. <sup>11</sup>Tasỹ mahãdu-õ dehemynyde, judeu mahãdu-õ wahe. Ihãre tahe ridyõhyre, rityhynyõhyre urile teramy reare. <sup>12</sup>Iu inyõ Jesuisi rityhynomy ridyreu. Deuxu riõreõlemy risỹdỹỹnyre inimy rityhynyreki. Kia-õ tahe ruru tamy riwahinyre. <sup>13</sup>Kia ityhydỹđu tahe Deuxudeewilemy tule iriõreõmy roirekemy. Hãlubu-ribi aõkõ ratybienyre, urariribike aõkõ, hãbudeewike aõkõ. Deuxudeewilemy iny ihỹmyhỹrenyre.

<sup>14</sup>Rybe tahe umyõ rimyre, demy rexijenyre, inyyreny-ki rasỹnomyhỹre. Tii tỹxihikỹlemy Deuxu loosõna-di ratximyhỹre, ruxetõena-di inatyhyna-di nade. Inyboho tuu robirenyre. Deuxu Riõre delamy ratximyhỹre, sohojihyyre. <sup>15</sup>Joaõ Jesuisimy rarybere kia wese: —Kiamy heka adeereny rarybere. Tii wahewomy kanakre heka waratyre awityhyre. Tii dori wako-ki rarehyymyhỹ waribi juhuutyhy wahe. <sup>16</sup>Inyboho dori sõwemy ruxetõena iribi ritarenyre. Luuna sõwetyhymy tawo-ribi Jesuisi inydeereny diwahinyde. <sup>17</sup>Deuxu bede ywina tahe Moisesi õraru-ki nade inydeereny. Ruxetõenamy tahe inatyhyna Jesuisi Kristu õraru-ki nade. <sup>18</sup>Inyõ heka tiu Deuxumy robiõtyhy. Deuxuriõre delale heka itỹnydỹđu rare. Tuunatyhy-di taãxiõti-ki rimyre. Tiile iny-õ Deuxu ditỹnynyde.



(Joaõ 1.19)

<sup>19</sup>Judeu mahādu Jerusalē-ribi xiwena wahidỹydu mahāduõ diteõnyde Joaõ dỹraxidỹmy. Levita mahāduõ tule diteõnyde. Tahe roirenyre ritỹraxinykemy mobo tii raremy. <sup>20</sup>Tahe Joaõ-õ rỹraxirenyre aõhereriwe mobo atxiteri. Joaõ dirawyõnyde inatyhymy rexitxiõnyreri: —Jiarỹ Kristu Deuxu deoddỹyna aõkõ jiarỹ rare. <sup>21</sup>Tai tahe ixityre tamy rarybere: —Mobo tahe atxiteri, Elia aõbo. Aõkõre, Joaõ rarybere. Tahe Deuxu dee rybedu atxiteri inyboho riraõrenyleriõ wahe? Joaõ rarybere aõkõremy. <sup>22</sup>Tamy tahe ixityre raryberenyre: —Wakoreny bedelyyke mobo atxiterimy. Tai iny deoddỹydu mahādu-õ arelyyrenykre. Aõmybo iximy manarybeke? <sup>23</sup>Tahe Joaõ rarybere: —Jiarỹ Isaia Deuxumy rybedu wesele adeereny ararybekre. Jiarỹ rybeterenaduõ jiarỹ rare. Jiarỹ bederahy-ki iny-õ rarywāhā.

Inynyrỹ-õ ryõ biõbitinyke.

<sup>24</sup>Fariseu mahādu-ribi kia mahādu roirenyre. <sup>25</sup>Tai tamy rarybere: —Kai Kristu aõbo tate? —Aõkõre. Elia aõbo? —Aõkõre. Deuxu dee rybedu aõbo? —Aõkõre. —Aõhereki tahaka iny teratysebenyteri? <sup>26</sup>Joaõ dirawyõnyde: —Jiarỹ bedi iny reratysebenyteri. Inyõ tahe ayrenykile ratxireri. Tii tahe teeryõmahātenyde. <sup>27</sup>Tii wahewo-ribi kanakre. Jiarỹ raixỹrumy watxireri iwataana ese-ki, tii waratyrereki. <sup>28</sup>Kia ibutumy aõhebo rotỹnyre Betỹnia hāwā bede-ki. Jordaõ bero kowa weribi ijā-ki ihỹre. Tai iule Joaõ iny riratysybenymyhỹre.

<sup>29</sup>Txubiõwau tahe Jesuisi Joaõ-õ kedehemynykemy nade. Tahe rarybere: —Beteheke, kowa Deuxu budoeni naderi. Tii õraru-ribi iny ritakremynade. <sup>30</sup>Tuu jiarỹ rarybereu, inyõ wahewomy kanakre. Tii waratyre awityhy rare. Tii dori wako-ki rarehymyhỹ waribi juhuure. Kia rarybereu tule jiarỹ tuurarybemahā. <sup>31</sup>Reeryõre heka tii, ihāre tahe anade tii aritỹnykemy judeu mahādu-õ. Tai tahe

anade iny bedi reratysebenymahãremy. <sup>32</sup> Tahe Joaõ tamyreny relyyre: —Jiarỹ Deuxu Tytybytyhy my rabire tamy dobehede-ò. Bòtòe wesemy ityre-ò desede. <sup>33</sup> Deuxu riwateònyre bedi iny ariratysebenykemy. Tahe riwateònyreu tahe wadee rarybere: —Aõmy kai bobikre? Deuxu Tytybytyhy ronony resেকে inyòtyre-ò. Tii sohojile tahe Deuxu Tytybytyhy-di iny riratysebenykre. <sup>34</sup> Jiarỹ tuu rabire, tai tahe reeryre, tule taheka relyywãhare, tii inatyhy my Deuxu Riòre raremy.

<sup>35</sup> Itxubiòwau tahe Joaõ taerydỹna inatxiò-wana raremyhỹ. <sup>36</sup> Tahe Jesuisi nadeò tuu robire. Tahe tamahãdu-ò rarybere: —Kowa tahe Deuxu Budoeni naderi. <sup>37</sup> Kia rybe-ò tiiboho roholareu, tahe ròrenyre Jesuisi riheludunyrenykemy. <sup>38</sup> Jesuisi tahe tuu robire ihemy roirerimy. Tahe tamyreny rarybere: —Aõbo tejetenyteri. Tahe dirawyònyde: —Rabi (kia rybe tahe irybereny-ki, erydỹdu rare), tixibo kai tasỹnymahãte. <sup>39</sup> Jesuisi rirawyònyre: —Bòdòibedenyke betehenykemy. Tahe tii-wana roirenyre, tamy reteherenyre. Tahe txioromy tii-wana ihỹmyhỹ. <sup>40</sup> Joaõ rybe-ò ijohonaduõ, Jesuisi helududỹduõ, Andre rare. Tii Simaõ Pedro seriòre rare. <sup>41</sup> Andre tahe taseriòre Simaõ aõwesele rioryre. Tahe tamy rarybere: —Mesia-ki inyboho rahamy ratximyhỹrenyre. (Ka rybe, Mesia, heka. Kristumy rare, Deuxu deòdỹna rare.) <sup>42</sup> Tahe Andre Jesuisi-ò Simaõ didyde. Jesuisi Simaõ-ò retehere urihimyo idi tamy rarybere: —Kai Simaõ tate, Joaõ riòrere. Iribi tahe ani Sefamy rarekre (Kani heka Pedro rare.)

<sup>43</sup> Itxubiòwau Jesuisi Kalileia-ò rakremy ixi-di ròhòtynyre. Tahe Filipi riijere. Tamy rarybere: —Wahemy manakekò aõbo. <sup>44</sup> (Filipi tahe Besaida hãwã luduõ rare Pedro, Andre-wana ihãwãluduõle rare.) <sup>45</sup> Filipi tahe Natanaeli witxi reare. Tamy rarybere: —Moisesi bede ywina tyryti-ki inyomy rarybere: —Tule Deuxu dee rybedu tyryti-ki rarybere. Taile rahare. Jesuisi ihỹre. Nazare hãwã luduõ rare. Jyje riòre rare. <sup>46</sup> Tahe Natanaeli ritỹraxyre: —Aõwihikỹ aõkãbo Nazare hãwã-ribi kadòhònykre. Filipi rirawyònyre: —Manake betehemy. <sup>47</sup> Jesuisi Natanaelimy robire naderimy tahe tuu rarybere: —Kowa judeu mahãduõ inatyhy rare. Tii hãbu òbiti rare. <sup>48</sup> Tahe Natanaeli rarybere: —Timykibo tiwaeryteri. Jesuisi rirawyònyre: —Figueira òra-ki tanyteò, umy rabire. Filipi aòrysomy raòreule, umy rabire. <sup>49</sup> Natanaeli rimasajuamy rirawyònyre: —Kai Deuxu Riòre tate Inyerydỹdu tate. Kai judeu mahãdu Iòlò tate. <sup>50</sup> Jiarỹ adee rarybera: —Figueiraòra-ki umy rabireki. Kiakile aõbo, tiwatyhnyteri. Iratyre aõna aõna wiwihikỹ adee aritedòsinykre. <sup>51</sup> Inatyhytyhy my adee araybekre: —Biuwetyy riranykre. Jiarỹ biuloosõna hãbu jiarỹ rare. Ýjuboho Deuxu-ribi wadee doideò kai bobikre. Idi waribi roireò bobikre.

**2** <sup>1</sup> Inataõ txu-di tỹmyra herina txumy reare. Kana hãwã-ki Kalileia bedeki. Jesuisise tai ratximyhỹre. <sup>2</sup> Jesuisi tule ritobinyre tamy rakremy taerydỹna mahãdu-wana. <sup>3</sup> Lisinaube tya-ki vỹ mona ituere. Tai Jesuisise Jesuisi-ò rarybere: —Vỹ mona ituere, imona kòre. <sup>4</sup> Jesuisi rarybere: —Nadi, aõhebo arotỹnykre. Aõka wawidỹkõna wabededỹnanamy aõkõka bede rỹreri. <sup>5</sup> Tahe Jesuisise deòdu mahãdu-ò rarybere: —Anowidỹkỹmy adekereny tiki rarybekeki, ibutumy biwinybenyke. <sup>6</sup> Debòsohoji reurò mana butxi nihikỹ tai rỹimyhỹ judeu mahãdu

ibe-di brebu òraru-ki aõna aõna risuhòmhyhÿre worana bedehesinau. Mana butxi sohoji sohoji 80 urihixina ratyre rimyre. <sup>7</sup>Jesuisi tamyreny rarybere: —Ibutumy bedi bitÿxinybenyke. Tahe ibutumy ijà ratyre ritÿxinyrenyre. <sup>8</sup>Katahe iribi bitake. Worana bedehesi wedu-ò biwybenyke imona. Tahe riwrenyre. <sup>9</sup>Kia bee heka Jesuisi riwtxiranyre vÿi monamy. Tahe iwedu riurihire, rieryõre tiribibo nade. Deòdu tahe rieryre juhuu bee rare. Tahe iwedu rarybere weryrybò heridu-ò: <sup>10</sup>—Katahe awityhyre. Kai ijõ-ribi iwtxiratyhymy tewinyteri. Ijõ iny heka awityhy iko-ò ritxiwimyhÿ. Ihewomy tahe awiriðre ritxiwimyhÿre. Kai tahe awityhy ikonana-ò teyrubunya. <sup>11</sup>Katahe aõna aõna wiwihikÿ iny itxerenamy juhu ludu rare. Kana hãwã-ki Kalileia bede-ki ihÿre. Tii tarurutere riteòsinymyhÿre taerydÿÿna mahãdu-ò. Tai ierydÿÿna mahãdu rityhnyre.

<sup>12</sup>Iribi tahe Kafanaõ hãwã-ò Jesuisi dobehede tadi, taseriðre, taerydÿÿna mahãdu tii-wana roirenyre. Ijõtsumy tahe tai bede tÿnyna rÿira.

<sup>13</sup>Pascoa worana bedehesi iðhòmÿ rÿireu, Jerusalê rotuore kia tahe judeu mahãdu worana bedehesina rare. <sup>14</sup>Tai Jesuisi Deuxu dohodÿÿna hetowo-ò ralore. Tahe iwo-ki itxi reare sówemy aõna aõna-di rohonryerið, broreni-di ijohodu-txi, budoeni-di ijohodu-txi, bõtðe-di ijohodu-txi, tule nieru wixira wixira wibydyÿÿdu mahãdu-txi reare tai rononymhÿki. <sup>15</sup>Jesuisi reroti awaru hãtena wesemy riwinyre. Idi tahe dohodÿÿna hetowo-ribi ibutumy riòlòdÿÿre, budoeni, broreni-wana, tahe nieru wibydyÿÿdu mahãdu oworubesedyÿ-di



(Joaõ 2.7)

Jesuisei rehure, tai nieru rejuxunyre. <sup>16</sup> Tahe rare bõtòde-di ijohodu-ò. Tamy rarybere: —Biòlòdÿnyke wa. Waha heto dori aõ-di ijohona aõkõ rare. <sup>17</sup> Tahe Jesuisei erydÿyna mahädu tõhõti-txi reare aõbo Deuxu Tyyriti-ki roiretxi:

—Waha heto yrubudÿyna-ki dori riwasamyhÿre. Ariyrubunykemy dori watxireri, tai riwasareri.


<sup>18</sup> Judeu mahädu Jesuisei-ò rÿÿraxire: —Aõherekibo kai teòlòdÿnyteri. Mobo he arateranyreri tuu biwinykemy. <sup>19</sup> Tahe Jesuisei rirawyõnyre: —Deuxusÿ-di behuke tahe inataõ txu-di aditamadÿnykre. <sup>20</sup> Tahe judeu mahädu rarybere: —Ka heto 46 beòra-di relere, timykibo kai inatãõ txu-di biwinykemy. <sup>21</sup> Jesuisei tahe Deuxusÿmy taumylemy rarybere. <sup>22</sup> Iribi tahe iu rubu-ribi iixixana-txi tõhõtireny reare, kia tuu rarybere-txi. Tai heka iritina rityhynyre, tule Jesuisei rybe rityhynyre.

<sup>23</sup> Jerusalê-ki Jesuisei Pascoa worana bedehesidÿyna riwyre. Aõna aõna wiwihikÿ iny-ki ritxienyre riwinyre. Tai sõwemy iny inityhy rityhynyre. <sup>24</sup> Jesuisei tahe urihimyõle iny rityhynyre. <sup>25</sup> Tii dori ibutumy iny rayky rierymyhÿre. Inyõ timy iny raremy tiu tamy aõna relyyõtthy tii ibutumy aõerydu rareki.

**3** <sup>1</sup> Nikodema fariseu mahäduõ rare. Tii judeu mahädu weduõ rare. <sup>2</sup> Tii rudimy Jesuisei roramy rara. Tahe tamy rarybere: —Wanyrÿ, reeryrenyre kai Deuxu-ribi erydÿÿdu tate. Inyõ Deuxu-diõkeki tii aõ wiwihikÿ riwinyõtthy. Iwese aõ wiwihikÿ kai tewinyte wese. <sup>3</sup> Tahe Jesuisei rirawyõnyre: —Inatyhytyhymy adee ararybekre: —Inyõ ixityre reakõkeki, tiu Deuxu Òlõnasÿmy robiõtthy.

<sup>4</sup> Nikodema rÿÿraxire: —Timykibo matuari ixityre reakemy. Timyrabo, ixbyby tadiwo-ò iny ralõkeki aõbo ixbyby iny raumynyke. <sup>5</sup> Tahe Jesuisei rirawyõnyre. Inatyhytyhymy rarybere. Inyõ bera-ribi ratybienyõkeki Deuxu Tyytybytyhy-ribi ratybienyõkeki, tiu ralõõtthy Deuxu Òlõna-ò. <sup>6</sup> Deribi tybie heka dee rare. Deuxu Tyytybytyhy-ribi tybie tasÿ tyytyby rare. <sup>7</sup> Idi wanaõtaõmy aõmybo rarybereridi ixityre ijiranamy. <sup>8</sup> Tiò tiò yhy ribonymhÿre: —Iwodÿÿ taholate, tahe tiribibo namyhÿde teeryõmahäte tiõhe ramyhÿre teeryõte, kia wesele iny Deuxu Tyytybytyhy-ribi tybie iny rÿire. <sup>9</sup> Tahe Nikodema rÿÿraxire: —Timyrebohe kia ratxike. <sup>10</sup> Jesuisei dirawyõnyde: —Kai judeu bede erysydÿÿdu tate ihãrele teeryõte aõbo. <sup>11</sup> Inatyhytyhymy adee rarybere aõmybo reeryre, aõmybo rabire. Ihãrele tahe kia tetyhynyõte. <sup>12</sup> Bede aõmydÿÿnanamy rarybere tahe tetyhynyõte. Timybo bityhynyke biu aõmydÿÿnanamy ararybekeki. <sup>13</sup> Iny sohojile biu-ò raòwõnyre, Deuxu Riõre Hãbutyhyhykÿ rare. Tiile iribi juhu dobehede. (Tiile isÿre. Taile isÿ roire.) <sup>14</sup> Iwese Moisesi bederahy-ki womati hemylala ritamadÿnyre wese, Kiawesele jiarÿ, Deuxu Riõre Hãbutyhyhykÿ, wadi kidiwatamadÿnykre. <sup>15</sup> Tahe inyõ wadi rityhynykeki, umytuedeõna tuu ritamy rÿihy rakre.

<sup>16</sup> Deuxu Riõre sohojihyyle rare. Deuxu bede ludu mahädu ibutumy iluutyhyre. Tai tahe tariõre diteõnyde iny rityhynykemy. Inyõ tii rityhynyre-wana, umytueõnahakÿ ritakre. Tii ruruõtthy rubu bina bede-ò. <sup>17</sup> Deuxu taRiõre bede-ò diteõnyde bede iny mahädu tarasadumy rarekemy. Aõ iny ywisidÿÿna-ò rirutykemy aõkõ. <sup>18</sup> Inyõ rityhynymyhÿreki, tii ywisidÿÿdu idi rehuõtthy. Iny rityhynyõmyhÿreki tiihe aõhõkÿmy



(Joaõ 3.2)

dÿynana-txi riteònykremy Deuxu idi ratximyhÿre, tii dori Jesuisi rityhynyòhyymyhÿre, Deuxu Riòre dela wahe. <sup>19</sup>Ibinatyhymy iny aòmydÿynana bede bedemy rÿira, tai bede luru-ki rira tamy awira. Tuu loosòna nadeu, tamy ibinare. Tai tahe Deuxu riteònykemy idi ratximyhÿre. <sup>20</sup>Inyò aòbinahakÿ rotÿÿnymyhÿre, loosòna dera heka tuu rÿira; loosòna-ò rehemynyòtyhy, rehemynyre-wana, iny taaòbina bina rierymyhÿre. <sup>21</sup>Iny tahe awiwihikÿle rotÿÿnymyhÿre-wana tii tahe loosòna-ò rehemynykremy rÿira, taaòmydÿynana dori Deuxudeewimy ririmyhÿre, ibutu iny rierykremy ririre. <sup>22</sup>Iribi tahe Jesuisi taerydÿÿna mahàdu-wana Judeia bede-ò ròirenyre. Tai heka bededÿynanaò riwre. Tiibohe iny ityhydÿÿdu mahàduò tai riratysebenyrenyre. <sup>23</sup>Joaõ iribi iòhòmy ratxireri. Iny riratysebenymyhÿre. Tii Eno hãwã-ki Salì hãwã-ribi iòhòmy roire. Tai riratysebenyre sòwemy bee tai roimyhÿreki. Sòwemy iny tamy ratysebenymy rare. <sup>24</sup>(Joaõ iu rotenamy ralòòlemy ratximyhÿ.) <sup>25</sup>Judeu mahàduò, Joaõ erydÿÿna mahàdu-wana rybetere txiòdÿÿna ròhònryra, bede

ywina òbiti aõmydÿÿnanamy wahe. <sup>26</sup> Tahe Joaõ erydÿÿna Joaõ-ò doidenyde rarybekremy: —Waerydÿÿdureny. Kai hãbumy telymy tatemahã, kia Jordaõ kanawe-ribi ijã-ki umy-wana raremyhÿ, tii ròratysebnyrereri. Sõwemy iny tamy wirotyre. <sup>27</sup> Tahe Joaõ tamy rarybere: —Kia wadee awire aõ aõkõ iny ritamyhÿre, biu-ribi kanakékile tahe iny aõ ritake. <sup>28</sup> Jiarÿ heka Jesuisi nonanamy ijyymy diwateõnyde wahewo-ribi kanakremy. Jiarÿ tii aõkõ rare. Tii tahe Kristu tyhy rare. Jiarÿ kiamy juhuy rarybewãhãre: —Kia tahe teerytenyde. <sup>29</sup> Inatyhymy tahe hãbumy heridu wesemy Jesuisi rare. Ibutumy iny tuu robikemy tamy wirotyre. Ibiõwa weselemy jiarÿ rare. Tahe irybe-ò raholareu, reysamy rarewãhã. <sup>30</sup> Tai wadee awire iny tii rieryreki, waribi tahe nohõti rosakemy idi watxiwãhãre.

<sup>31</sup> Tii biujuxahakÿ-ribi nadeki ibutu ratyremy ratximyhÿre. Bede-ribi jiarÿ anadeki, tahe bede ludu jiarÿ rare, bede aõmydÿÿnanamy rarybewãhãre. <sup>32</sup> Tii rarybere aõmybo roholare, robire, tahe ijõ iny rityhynyõhyre irybe. <sup>33</sup> Inyõ tahe rityhynykeki, tii tule ijõ-ò rarybere, Deuxu inatyhy rare wahe. <sup>34</sup> Deuxu deõdÿÿna heka irybelemy rarybere Deuxu dori Tatytybytyhy ibutumy tamy diwahinyde. <sup>35</sup> Tyby taRiõre luure, tai tahe ibutu aõmydÿÿnana ywisidÿÿmy tamy diwahinymy diteõnyde. <sup>36</sup> Iny Jesuisi rityhynymyhÿreki, umytuedeõnahakÿ-di iny rÿira. Inyõ tamy ratxiõkeki, tiu umytuedeõna robiõtyhy, Deuxu ykarana dori tii-wana ratximyhÿre.

**4** <sup>1-4</sup> Inyõ fariseu mahãdu-ò rarybere: —Jesuisi Joaõ-ribi iny sõwemy diratysebnymyhÿde. Sõwemy iny ritamyhÿre ierydÿÿmy. Tahe Jesuisi aõkõ ròratysebedÿÿmyhÿre, ierydÿÿnale tahe riratysebnymyhÿre. Iu Jesuisi kiamy rieryre tahe, Judeia-ribi rexitare. Roirenyre Kalileia bede-ò ritehemynykemy. Roirenyre tahe Samaria bededihyyle riõhõrenyre. <sup>5</sup> Samaria bede hãwã-ò tahe ritehemynyre. Sika inire. Ijaõ riõresu-ribi iõhõmy ròira, tariõre Jyje-ò riwahinyre wahe. Ijaõ behãloo tai rÿimyhÿ. <sup>6</sup> Txutyey tahe Jesuisi elerihynymy ronymyhÿ tatilemy nadeki berysyna werora-ki. <sup>7</sup> Tahe Samaria mahãdu hãwyyõ dobehede beixemy. Jesuisi tamy rarybere: —Beõ inihe wadee bidiõke. <sup>8</sup> Jesuisi erydÿÿna mahãdu tahe juhuy roirenyre hãwã-ò rÿsÿna itxemy. Tai Jesuisi riraõmy ronymyhÿ. <sup>9</sup> Tahe hãwyy rarybere: —Kai judeu mahãdu tate, jikarÿ samaria mahãdu rare. Anoherekibo wadeke texitõenyteri bemomomy. (Judeu mahãdu Samaria mahãdu-wana wiymy reaõhyymyhÿre. Widi õludu wesemy rare.) <sup>10</sup> Tahe Jesuisi rirawyonyre: —Kai heka teeryõhyteri mobo jiarÿ rare wahe. Tule, Deuxu wahisidÿÿna teeryõte. Tiwaeryteriwana kai bedexitõenyke, tahe bee irumy ihÿre adee ariwahinyke. <sup>11</sup> Hãwyy rarybere: —Wahÿ, timybo bee irumy ihÿre wadeke kanakre. Kai ahynakõre, hãloko heka behekyre bee irehere. Timybo bee iru kumy-wana ratxireri. <sup>12</sup> Kai anobohe inytyby Ijaõ ratyrere. Tiki heka behãloko wedu juhuku rare; idi riwahinyre inydekereny. Iribile iritxiõre riõmyhÿre tiki-wana, ibroneni riõmyhÿre. <sup>13</sup> Jesuisi tahe tarybetyhy-di rarybere: —Inyõ kahãloobemy riõkeki, ixityre bemomomy ruruke. <sup>14</sup> Jiarÿ bee ariwahinyke. Inyõ tahe kiabemy riõke-wana, tiu bemy tamy umytuedeõnahakÿ riwahinyhyymyhÿre. <sup>15</sup> Tahe hãwyy rarybere: —Wahÿ bee tuedekõdu ikuny tuu

kariõke. Tai kakò kanakõtyhy berysomy. <sup>16</sup> Tahe Jesuisi rarybere: —Maa h̄ny, ah̄abu biòryke, tahe manake. <sup>17</sup> H̄awyy dirawyònyde: —Anokõre, wah̄abukõre. Jesuisi rarybere: —Inatyhymy tarybeteri ah̄abuõremy. <sup>18</sup> Kai heka iruyre ah̄abu tate. Wijina tahe ah̄abu aõkõ rare at̄yhibiòwale wahe. Kia tahe inatyhymy tarybeteri. <sup>19</sup> Wah̄i, wiji tahe arakeryra, kai Deuxu rybeduõ tate. <sup>20</sup> Wahareny Deuxumy reàl̄amhȳre kah̄awãlò-ki. Amah̄adu anokõ, tamy tahe Jerusalê Deuxu deàl̄ana rare. <sup>21</sup> Tahe Jesuisi rarybere: —Ler̄y, warybe bityhynyke. Kanakre itxu kah̄awãlò-ki aõkõ, Jerusalê-ki aõkõ Waha Deuxu deàl̄ana rarekre. <sup>22</sup> Kaiboho aõmybo teal̄ate teeryõtenyete. Jiar̄yboho tahe aõmybo reàl̄are, reeryrenyete, tarasana dori judeu mah̄adu-ribi nade. <sup>23</sup> Kia beded̄ȳn̄anamy reara. Inyõ Waha Deuxu àl̄anamy ratximyhȳreki Deuxu Tyytybytyhy-di, inatyhyna-di reàl̄amhȳke. Tuu deàl̄ana mah̄adu Deuxu rijemyhȳre. <sup>24</sup> Deuxu Tyytyby rare: —Tai tahe tudeal̄anadu tatytyby-ki inatyhyna-ki tuu reàl̄amhȳre. <sup>25</sup> Kia tahe jikar̄y rekeryre, Mesia kanakre, Deuxu dekod̄ȳk̄n̄amy wahe, Kristu inire. Tiki kanakreku wahe, ibutumy inydekereny anona anonamy relykykre. <sup>26</sup> Jesuisi rarybere: —Jiar̄y tahe tiire, umy-wana wiji rarybereri wahe.

<sup>27</sup> Tahe Jesuisi eryd̄ȳna mah̄adu rehemynyre. H̄awyy-wana rarybereriki tahe ribedeòtiid̄ȳnyrenyete. Tahe inyõ tamy r̄ȳraxiòhȳre. Aõmybo tamy r̄ȳraxire, ada aõherekibo tamy rarybereriki. <sup>28</sup> Iu tahe h̄awyy tabutxi ririre, h̄awã-ò rara. Tahe tah̄awã mah̄adu-ò rarybere: <sup>29</sup> —Bodoibedenyke wahemy. Betehebenykemy h̄abu-kò. Tiki wakoku relykyre ibutumy anohebo rat̄ȳk̄n̄ymah̄aremy. Tiki kòsana Kristu ratxireri. Deuxu dekod̄ȳk̄na rare. <sup>30</sup> H̄awã-ribi roirenre Jesuisi-ò. <sup>31</sup> Iu h̄awyy h̄awã-ki rareamyhȳre, tahe ieryd̄ȳna Jesuisi-ò rarybere: —Iny eryd̄ȳdureny r̄ys̄naò bir̄s̄ȳke. <sup>32</sup> Tahe Jesuisi rarybere: —War̄ys̄nadire wahe. Kaiboho heka kia r̄ys̄na teeryõtenyete. <sup>33</sup> Tahe widee raryberenyre: —Inyõ kòãòboka tamy r̄ys̄naò riwyreri. <sup>34</sup> Jesuisi rarybere: —Wadeòd̄ȳdu deewimy ariwinykemy idi watxireri. Kia tahe war̄ys̄nare, iaõmys̄d̄ȳna arihukemy wahe. <sup>35</sup> Maixõmo butuna inaubiòwa ah̄adu-di bidiòrarunybennykemy kaiboho tahòtynytenyeteri. Tahe aõkõre adeereny ararybekre. Betehebenyke bedero-ò. Maixõmo redenamy r̄yire. <sup>36</sup> Kia maixõmo butud̄ȳdu iòwy ritake, tahe umytuedeònahak̄y-ò iny ributunyre. Tahe wiwanale riwodeysanymyhȳre ibròd̄ȳdu ibutud̄ȳdu-wana. <sup>37</sup> Iwese inyõ rarybere wese, inatyhy rare. Ijõ tahe ibòròd̄ȳdu rare. Iwitxira tahe ibutud̄ȳna rare. <sup>38</sup> Jiar̄y kaiboho arateònymah̄are. Aõbo tebòrònyõtenyete tahe bibutunyke. Juhuu inyõ raaõmys̄d̄ȳre: —Kaiboho tahe iraty temytenyete.

<sup>39</sup> Tahe h̄awyy òraru-ki sòwemy Samaria h̄awã mah̄adu rityhynyre. H̄awyy rarybere juhoo: —Tiki wakoku relykyre ibutumy anohebo rat̄ȳk̄n̄ymah̄are walananonanamy relykyre. Kia rybe òraru-ki tahe rityhynyrenyete. <sup>40</sup> Samaria h̄awã mah̄adu tahe Jesuisi-ò rexitònyre tii-wana roirekemy. Tahe Jesuisi tii-wana inatxi txumy riwyyre. <sup>41</sup> Sòwemy tahe rityhynyre Jesuisi Rybe òraru-ki. <sup>42</sup> Tahe h̄awyy-ò rarybere. Wiji tahe arybe òraru-ki aõkõ retyhynyre. Tamy tyhy-ò jiar̄yle raholare, tahe reeryre tii bede iny tarasadu tyhymy raremy.



<sup>43</sup>Inatxitxu-di tahe Samaria-ribi rare Kalileia bede-ò. <sup>44</sup>Jesuisile dori rarybere: —Deuxu rybeduõ uladumy ijirana bede-ki iny rityhynyõhyymhỹ. Tiu tamy wowydynaõ riwahinyõtyhy. <sup>45</sup>Kalileia mahãdu juhuu Jerusalẽ-ò tule roirenyre, worana bedehesi rỹimyhỹrað. Ibutumy aõbo Jesuisi riwinyra heka tiiboho reteherenyre. Tai Jesuisi tasubede-ò rehemynyre tiiboho awimy ridyrenyre.


<sup>46</sup>Tahe ixityre Jesuisi rehemynyre Kana hãwã-ð. Juhuu tai bee riwitxiranyre vỹi monamy wahe. Bede dinodu aõmysỹdỹydu Kafanaõ-ki rasỹnyre. <sup>47</sup>Jesuisi Kana hãwã-ki ratxirerimy hãbu roholareu, tamy rara. Tariõre dori ibinamy roire taheto-ki. Jesuisi-ò hãbu rarybere: —Manakekõ aõbo waheto-ò wariõre biteytekemy. <sup>48</sup>Jesuisi rirawõnyre: —Kaiboho bede aõmydỹynana wiwihikỹ tetehetenyteule tetyhynytenyte. <sup>49</sup>Hãbu heka Jesuisi-ò rarybere: —Wanyrỹ, wylemy manake wariõre rurukreko-txi. <sup>50</sup>Jesuisi rarybere: —Bõðeke, ariõre dori awimy relera. <sup>51</sup>Tahe tii Jesuisi rybe rityhynyra tai ròðsere taheto-ò rakemy. Ijõ txu tahe ryro-ki teòdu-wana witxi reare. Tii rarybere: —Ariõre reytera ahetskile. <sup>52</sup>Hãbu ritỹraxyre tiubo reytera. Tahe relyyre. Kaule, txutyey reytera. <sup>53</sup>Jesuisi rarybereu, kiaule iriõre reytera. Hãbu rieryre. Tai tahe idi ibutumy hãbu sỹmahãdu Jesuisi rityhynyre. <sup>54</sup>Kia tahe Jesuisi inatxina aõna aõna wiwihikỹ iny itxeranamy riwinyre Kalileia bede-ki.

**5** <sup>1</sup>Iribi tahe judeu mahãdu worana bedehesimy rỹimyhỹ. Tai tahe Jesuisi rare Jerusalẽ-ð. <sup>2</sup>Hãwã-ki tahe hãloo ibedỹỹ roimyhỹ budoeni ryjõ ìhò-ki rỹimyhỹ. Beteta inire, hebraika rybe ini rare, judeu rybe wahe. Iruyre iwõtenu ube iwerora-ki rỹire. <sup>3</sup>Sõwemy webinadu ube-ò wii rotyre, iny ruetã ijõre, iny tiere ijõre, inytibina ijõre. <sup>4</sup>Tiiboho ýjuõ riraðmyhỹre. Ýju beð rerireu tahe raukỹre. Mobo juhu itxi resekeki tahe, tii reytemyhỹre. <sup>5</sup>Hãbuõ 38 beõramy ibinamy roimy raremyhỹ. <sup>6</sup>Jesuisi tamy retehereu, rieryre tiwesebeõrabo ibinamy roimy rare myhỹ. Tahe tamy rarybere: —Kai aõbohe beytekekõ. <sup>7</sup>Hãbu dirawõnyde: —Aõkõre Wanyrỹ, wawihedỹyduõre. Bee rexiukỹnyrau, ijõ wako-ò ralõmyhỹre. <sup>8</sup>Jesuisi tamy rarybere: —Myikewa, abyre bimykẽ, mariake. <sup>9</sup>Aõwesele hãbu rỹimy reare, awimy. Tabyre rimyre tahe rariare. Kia txu tahe sabado txu rare. Kia txu tahe judeu aõmysỹdỹyna txu aõkõ rare. <sup>10</sup>Tai tahe judeu mahãduõ tamy rarybere: —Abyre-di riraõmy, sabado txu dori õbiti aõkõ rareki. <sup>11</sup>Tahe dirawõnyde: —Wadeytedỹydu wadee rarybere wabyre arimykemy. <sup>12</sup>Tahe tamy rỹraxyre: —Mobo adee rarybere abyre bimykemy idi mariakemy. <sup>13</sup>Tahe hãbu deytedu rieryõre mobo rare. Jesuisi dori dexitade iribi. Sõwemy iny tai rỹimyhỹ. <sup>14</sup>Deuxu dohodỹyna heto-ki Jesuisi idi hãbu-ki rahara. Tamy rarybere: —Kai teyteta, inatyhy. Tai tahe aõraruna biixãwidinyke, aõbinatyhy aõhe adee rotỹnyheny. <sup>15</sup>Hãbu tahe rare. Judeu mahãdu-ò rarybere, mobo teytedỹydu raremy, Jesuisi wahe. <sup>16</sup>Tai tahe judeu mahãdu Jesuisi ibinamy rexidelenymy rarybere, sabado txuu kia riwinyreki. <sup>17</sup>Jesuisi tahe rarybere tamyreny: —Waha, Deuxu aõu raaõmysỹdỹyre, jiarỹ tulere. <sup>18</sup>Tai tahe sõwemy irubudỹymy rurumyhỹre. Sabado txu bede ywina-ribi tii riwinyõre. Tule Jesuisi Deuxu wesemy rexioire, Wahamy dori rarybemyhỹreki.

<sup>19</sup>Tai tahe Jesuisi tamyreny rarybere: —Jiarỹ ixi-di aõkõ aõmydỹnanamy ratỹnyamahãre aõbo Waha riwinymyhỹre, jiarỹ tule rewinywãhãre iweselemy. <sup>20</sup>Waha Deuxu dori waluure. Aõbo riwinyre wadee riteòsinyre, tai tahe aõruerahakỹtyhymybo bobibenykre, idi bede biòtiinybenykre. <sup>21</sup>Waha Deuxu dori rubu-ribi iny riixixanymyhỹre. Tai tule jiarỹ iny areixixanyke ixideewikeki. <sup>22-23</sup>Ibutumy iny hitxidỹña Waha wadee tuu rarybera, tii dori iny rihitxidỹnyòtyhy. Jiarỹle tahe iny ywisidỹdumy aròhònykre, tai iwese Deuxu iny riwowydynymyhỹre wesele iny riwawowydynymyhỹkre. Adeereny Deuxu diwateònyde. Tai inyò riwawowydynyòkeki, tii Deuxu riwowydynyòreri. <sup>24</sup>Inatyhytyhymy adeereny ararybekre. Inyò warybe roholakeki, wateòdỹydu rityhnykeki, tii wijityhyle umyuedeòna ritake, ywisidỹyduko-ò ròhònyòtyhy, rubu ryribi ròhònyre umy irumy ihỹre ryò iny ralòmyhỹre. <sup>25</sup>Inatyhytyhymy adee arelyykre: —Bedeỹnana-ki kòhòra, bede dỹñnanamy reara. Tahe rubu mahãdu Deuxu Riòre rybe-ò roholakre. Roholamy rỹikeu tahe irumy rỹike. <sup>26</sup>Tyby dori iumyònanaòhyre wese tule iRiòre rare. Umytuedeòna wedu rare. <sup>27</sup>IRiòre heka hitxidỹña wedumy relere. Tii dori Deuxu Riòre Hãbutyhyhykỹ tii rare, jiarỹ wahe. <sup>28</sup>Bedeòtiidỹyòmy tahe bededỹnanamy he reare. Rubu mahãdu wabedey-ki warybe-ò roholakre, tai iribi ròhònykre. <sup>29</sup>Ibutumy aõwibo riwinyre mahãdu kedexixakre umyuedeònahakỹ-di. Kia ibinamy riwinymyhỹre mahãdu ywisidỹydu-ò rexixakre.

<sup>30</sup>Jiarỹ ixi-di aõkõ aõmydỹnanamy ratỹnywãhãre. Iwese Waha-ò raholare wese iny ywisidỹmy aròhònykre. Waywisidỹña heka òbiti rare. Wadee wimy aõkõ dori tuu watxiwãhãre. Waha wadeòdudeewimy tuu watxiwãhãre. <sup>31</sup>Iximy ararybekeki, inyò riwatyhynyòtyhy. <sup>32</sup>Iwitxira heka tuu rarybereri wamy wahe. Reeryre inatyhy raremy. <sup>33</sup>Kaiboho inywitxira teteònytenynte. Joaõ ratysebedỹydu-ò rỹrãxikemy ibutumy kia wamy rarybere inatyhy rare jiarỹ inatyhy rare. <sup>34</sup>Iny wamy rarybemyhỹre, tahe jiarỹle kia reijeòhyymahãre inyle rieryòre wamy rybe, wahe. Tahe kiamy adee relywãhãre kaiboho ritamy rỹikemy. <sup>35</sup>Joaõ tahe loosòna wesemy raremyhỹ. Tii urihimyo bededỹnana ritoosònymy raremyhỹwesemy tahe kaiboho atximahãtenynte. Idi urihimyo-ò teysatenynte iloosòna-di, idi iribi kaiboho terarenyre. <sup>36</sup>Jiarỹ Waha òraru-ki aõmydỹñnana wiwihikỹ, rewinyamahãre. Kaheka inatyhymy urihixina rare. Joaõ wamy rarybere ratyre heka kaa roire, Deuxu Waha inatyhymy wadeòdu raremy riteòsinyre. <sup>37</sup>Waha wadeòdu wamy tule relyyre. Kaiboho irybe-ò taholaòtenynte tule tii tabiòtenynte. <sup>38</sup>Kaiboho tamy taholaòhyymahãtenynte, tiwatyhynyòteki, jiarỹ dori iteòdỹña rare. <sup>39</sup>Tyryiti-ò tetehetenynte iwo-ki dori umyuedeòna-ki mahakemy tahòtinytenynte. Ritidỹñnakile wamy relyymyhỹre. <sup>40</sup>Ihãrele tahe wadee taõmahãte adeereny umyuedeòna ariwahinykemy. <sup>41-42</sup>Aõmybo wamy iny rarybemahãkeki, aõ aõkõ rare wadee, jiarỹ dori reeryre Deuxu luuna-di aõkõ atxitenyteri. <sup>43</sup>Jiarỹ Wahani-di anade, tahe kaiboho tiwatyhynyòmy

wadi ahâte. Inyõ ixideewilemy kanakeki, kaiboho bityhnybenykre. <sup>44</sup>Tai heka tetyhnyõmahâtenyete. Widee dori kaiboho tewowydynmahâtenyete, tahe Deuxu-ribi wowydyna ritakemy terarenyre, sohojihyyre heka Deuxu. <sup>45</sup>Kiamy tahe Waha-ð arelyyõkre, Moisesi tahe relyykre. Moisesi bede ywina dori, araròðnyreny rare. <sup>46</sup>Inatyhymy Moisesi tetyhnyamahâte-wana tule jiarý biwatyhnyamahâke, wamy dori Moisesi ròratidýyre. <sup>47</sup>Irybe bityhnyõkeki, timybo warybe bityhnyke.



(Joaõ 5.39)

**6** <sup>1</sup>Iribi tahe Jesuisi Kalileia aho-ki ixyby reurore, Teberiaade ahoniõre. <sup>2</sup>Tahe sõwemy iny riheludunyre tuu robireki, aõna aõna wiwihiký, deytedyõna wiwihiký robireki. <sup>3</sup>Tahe hãwãlðraty-ð Jesuisi raðwõnyre taerydýõna mahãdu-wana — rorukurenyre tai. <sup>4</sup>Judeu mahãdu worana bedehesi rexidelenykemy iðhõre. <sup>5-6</sup>Tahe Jesuisi retehere inysõweheký-ð, tamy rehemynyriõ. Tai Filipi-ð riurihimy rarybere: —Tikibo orotxu tamyreny rikiõbranyke riyrenykemy. Jesuisi rierymyhýre aõbo riwinykremy ratxireri ihãrele tahe Filipi-ð kia rarybere. <sup>7</sup>Filipi tahe dirawyõnyde: —Inyõ sohoji sohoji orotxu yre sohoji riykeki, 200 prata womati nieru rakahurenyke ihãre rimyõtyhy. <sup>8</sup>Andre Jesuisi erydýõna-ð rare, Simaõ Pedro seriõre rare. Tii tahe Jesuisi-ð rarybere: <sup>9</sup>—Weryryoõ kaki ihýmyhý. Iruyre cevada orotxu idi ratximyhý, utura inatxi. Kia tahe aõ aõkõ rare inysõwe-ð. <sup>10</sup>Tahe Jesuisi taerydýõna-ð rarybere: —Tamy marybebenyke ranyrenykemy asityrekile. Tahe rorukurenyre ibutumy. Hãbu 5000 ronyre ijõ inyõ tahe sõwetyhymy rorukure. <sup>11</sup>Jesuisi orotxu rimyre. Deuxumy reãlare, idi tahe tamyreny riwahinyre. Tule utura-wana wiwesele risýnymy. Tuu rotýõnyre. Ibutumy heka ixideewina rirýsýrenyre. <sup>12</sup>Rihydyrenyreu, Jesuisi rarybere taerydýõna mahãdu-ð: —Bibutunybennyke rauhenyra uritere ixinamy itxiwixirenyõkemy idi watxireri. Uritere idi dehurenyõmy. <sup>13</sup>Tahe ributunyenyre iuhe waõinatxi reurõmy weriri ritýxinyre orotxu yrere-di. <sup>14</sup>Jesuisi aõwiwihiký widýõnamy robirenyreu kiamy tahe raryberenyre. Tii inatyhymy Deuxu Rybedutyhy rare. Juhuu dori tuu rarybere kabede-ð kanakemy. Inyboho tii riraðmyhýre.

<sup>15</sup>Rõhõtinyrenyre: —Jesuisi inyiòlõrenymy rikimynenykre. Tamy ròkðirenykre. Iu Jesuisi kia rieryreu, ixisohojilemy rexitare ixyby, hãwãl-ð.

<sup>16-17</sup>Ibedesou aho ijã-ð ierydýõna mahãdu riberenyre riraðkemy. Bede rurunyre tahe Jesuisi rehemynyõhyyre. Tai hãwõð rimyrenyre idi reuròkemy ijõwe-ribi ijã-ð, Kafanaõ hãwã-ð. <sup>18</sup>Tahe yhy deboreheký tiribi

tiribi rebonymhỹ. Òbò tahe resemyhỹ. <sup>19</sup>Sohoji urihixina iòhòmý ròireny tahe Jesusimy robirenyre. Tii betyredile tamyreny nariamy nade. Tiibohe ruberunihikỹreny. <sup>20</sup>Jesuisi tamyreny rarybere: —Jiarỹle wa rare, breburenyõmyke. <sup>21</sup>Tai tahe hãworo-ò Jesuisi ronykemy tiibohe disỹnydenyde. Aõ wesele tahe rehemynyrenyre tiòbo ròirenyrað.

<sup>22</sup>Itxubiòwamy sówemy iny wii ributunyre aho kanawe-ribi ijã-ki. Hãwò sohojile tahe tai roire aho-ki. Jesuisi erydỹyna mahãdu roirenyremy rieryreny. Tahe Jesuisi aõkõ idi rare. <sup>23</sup>Tahe hãwòð dehemynydenyde. Teberiaðe hãwã-ribi Jesuisi tai ratximyhỹ iòhò-ð. Tai juhu Jesuisi rexitòdenymy rỹimyhỹ tahe orotxu tamy riwahinyre. <sup>24</sup>Jesuisi iõre tai, ierydỹyna mahãdu iõre. Kia tahe iny sówemy robirau, hãwò-ð rimyreny. Iòrysmy roirenyre, Kafanaõ-ð. <sup>25</sup>Kanawe-ribi ijã-ð rehemynyreu, tii-wana witxi reare. Tahe tamy rỹrãxire. Waerydỹydureny, tiubo kað tadehemynyte. <sup>26</sup>Aõwiwihikỹ rewinyremy aõkõ tiwajetenyteri, rỹsỹna adeereny rewahinyrakile, tehydymy terỹsỹtenytakile. <sup>27</sup>Rỹsỹna tyhy ituemyhỹre kiaðle aõkõ maaõmysdỹybenyke, tahe iwitxira rỹsỹnaõ-ð maaõmysdỹybenyke, kia ituedeõna-di aõkõ rare. Deuxu Riòre Habutyhyhykỹ dori adee riwahinykre. Kia rỹsỹna umytuedeõnahakỹ wesemy rare. Taile tahe Deuxu Waha riwateõnyteri. <sup>28</sup>Tahe Jesuisi-ð rỹrãxire: —Timybo iny Deuxudeewimy arotỹnyrenykemy. <sup>29</sup>Jesuisi dirawyònyde: —Kialemy, biwatyhybenyke: —Deuxu dori wateòdỹydu my rare. <sup>30</sup>Tahe raryberenyre tamy: —Aõwiwihikỹbo inyko-ð biitxeredỹybenyke. Aõhebo botỹnykre, iny aratyhynykre. <sup>31</sup>Inytybyreny orotxu riyrenyre bederahy-ki. Kia wese Tyryiti-ki roire:

—Moisesi tamy orotxu riwahinyre biu-ribi.

<sup>32</sup>Jesuisi rirawyònyre: —Inatyhy tyhymy Moisesi aõkõ tamy riwahinyre. Waha dori biu-ribi orotxu tyhy adee riwahinyre. <sup>33</sup>Deuxu orotxu tahe irutyhymy inydee riwahinymyhỹre, biu-ribi diwahinymyhỹde. <sup>34</sup>Tahe raryberenyre: —Wanyrỹ, tiu kia orotxu bidiwahinymahãkre. <sup>35</sup>Jesuisi iximy rarybere: —Jiarỹ orotxu irutyhymy rare. Inyõ wadee kanakeki, tiu rama risaõtyhy. Inyõ riwatyhynykeki, tiu bee risaõtyhy. <sup>36</sup>Adeereny heka rarybere: —Wamy tabitenyde, ihãrele tiwatyhynyõtenyde. <sup>37</sup>Ibutumy iny Waha wadee riwahinymyhỹre wadee kanakre. Tiu ixi-ribi ariteõnyõtyhy. <sup>38</sup>Adobehede dori aõ ixideewimy aõma arotỹnykemy aõkõ. Wadeòdỹydudeewimy arotỹnykemy watxiwãhãre. <sup>39</sup>Tiu ariõnonyõtyhy wadee diwahinydeð kiabohe ibutumy ikonana txuu rubu-ribi ariixixanykre. Kia tahe wadeòdỹydu deewimy rare. <sup>40</sup>Inatyhymy Waha deewimy kia rare. Iny iRiòremy robireu, rityhynykeu, umy tuedeõna ritake. Ikonana txuu tahe rubu-ribi ariixixanykre.

<sup>41</sup>Jesuisi rarybere: —Jiarỹ biu ludu orotxu rare. Tai tahe judeu mahãdu aõbina binahakỹlemy rarybemyhỹre. <sup>42</sup>Kia wese rarybemyhỹre: —Kaa Jesusile rare. Jyje riòre rare. Tyby he ijoi eryna rare ise tule. Aõherekibo tii rarybereri biu-rubu nademy. <sup>43</sup>Tahe Jesuisi dirawyònyde: —Tuu wamy ryberenyõmyke ayludurenymy. <sup>44</sup>Wadeòdỹydu iny wadee rayky-ð

rarybemyhÿre namyhÿde. Kia wesele iny wadee kedehemynykre, ikonana txuu tiiboho rubu-ribi ariixixanykre. <sup>45</sup>Deuxu rybedu Tyyriti-ki kia rybe rÿire:

—Deuxu ibutumy iny ribedeerydÿÿnykre.

Tai tahe Waha-ribi iny rierymy roholamyhÿre, tii tahe wadee rehemynykre.

<sup>46</sup>Inyõ Wahamy robiõhyymyhÿre jiarÿle tahe tuu rabimahãre, iribi anadeki.

<sup>47</sup>Inatyhytyhymy adee rarybemahãre. Inyõ riwatyhynykeki, umy tuedeõnahakÿ tiiwanale ratxireri. <sup>48</sup>Jiarÿ orotxu wesemy jiarÿ rare. Umytuedeõna wahidÿÿdu jiarÿ rare. <sup>49</sup>Boreny dori biu-ribi orotxu riyre bederahy-ki. Irabihyy ibutumy tiiboho ituerenyre. <sup>50-51</sup>Jiarÿ tahe biu ludu orotxu wese rare, inyõ tahe kia orotxu riykeki, tiu ruuõtyhy. Waumy ariwahinykre rubu-õ ibutumy iny òraruna òwydÿÿmy. Tamyreny umytuedeõna riwahinykre rubu-õ ibutumy iny òraruna òwydÿÿmy. Tamyreny umytuedeõna riwahinykre.

<sup>52</sup>Judeu mahãdu tahe txiõdÿÿna rybemy widee raryberenyre: —Timybo tadelemy inyboho riõwenyrenykemy wahe. <sup>53</sup>Jesuisi rirawyõnyre:

—Inatyhytyhymy adee ararybekre. Kaiboho Deuxu Riõre Hãbutyhyhykÿde birõõbenykeki, umytuedeõna bitabenyõtyhy. Ihãlubu biõbenykeki, umytuedeõna-di aõkõ atxitenyteri. <sup>54</sup>Inyõ waderõdu wahãlubumy momodu tii umytuedeõna-di ratxireri. Tii tahe ikonana txuu rubu-ribi adiixixanykre.

<sup>55</sup>Wade heka juhu irõnatyhy rare, wahãlubu tu monatyhy rare. <sup>56</sup>Inyõ wade rirokeki, wahãlubu riõkeki, wawana tiuhyy ratxireri. Jiarÿ tule tii-wana watxihyyreri. <sup>57</sup>Waha irumy ratxireri. Tii wadeõdÿÿdu rare iõraru-ki warumy watxireri. Tule waderõdu irumy ratxike waõraru-ki. <sup>58</sup>Jiarÿ biu ludu orotxu inatyhy jiarÿ rare. Iwese bederahy orotxu heka boreny riyrewesemy aõkõ jiarÿ rare. Ihãrele tahe ituerenyre. Inyõ riwaykeki, rexixahyymy rarekre. <sup>59</sup>Kia ibutumy Jesuisi rarybere Kafanaõ judeu dohodÿÿna-ki, rierynanymyhÿreu.

<sup>60</sup>Iribi tahe Jesuisi-õ ijohona mahãdu rarybere:

—Kia isira tyhyre iny rieryke. Inyõ heka kia rityhynyõtyhy.

<sup>61</sup>Jesuisile heka rexierymyhÿre tiiboho tuu rarybemyhÿreki, tahe tamy rÿÿraxire:

—Kaa aõbohe arabinadÿÿnyrenyke.

<sup>62</sup>Tahe jiarÿ Deuxu Riõre Hãbutyhyhykÿ, ixyby biu-õ arõðsekeki, timybo marybebenyke, kaiboho wamy bobibenykeki. <sup>63</sup>Deuxu Tyytybytyhyle umytuedeõna riwahinymyhÿre. Umydetyhy umytuedeõna-di aõkõ rare. Urile adee rarybemahãre Deuxu Tyytybytyhymy rybena rare, adeereny umytuedeõna rare. <sup>64</sup>Tahe inyõ ayreny ludu riwatyhynyõreri. Jesuisi tahe juhuru-ribi rierymyhÿre mobo rityhynyõmyhÿre, tule mobo tatxiõdÿÿdumy rarekremy.

<sup>65</sup>Jesuisi raryberhyymy tii-wana: —Jiarÿ juhuru rarybewãhãre. Inyõ Waha wadee riteõnyõkeki tiu wadee kanaõtyhy. Tai heka tuu adee jiarÿ rarybere.

<sup>66</sup>Kia rybe òraru-ki sõwemy taerydÿÿna mahãdu ririrenyre. Tahe roirenyre.

<sup>67</sup>Tahe Jesuisi rÿÿraxire taerydÿÿna waõinatxi reurõ mahãdu-õ. Ka bexe boibenyõkre aõbo biwaribenyõkre aõbohe. <sup>68</sup>Tahe Simaõ Pedro rirawyõnyre. Wanyrÿ moobo arõirenykre. Kaile heka umytuedeõna rybe-di atxiteri.

<sup>69</sup>Jiarÿboho ka aratyhynmahãrenyre. Araerynyre ka, kai Deuxu-ribi hãbu

òbitityhymy atximahâte. <sup>70</sup>Jiarỹ aratarenyre waòinatxi reurò inymy erydỹyna mahādumy. Ihãre tahe inyõ ratximyhỹre diaboõ heka tii rare. <sup>71</sup>Jesuusi tahe Judasi Isariõmy rarybereri. Iwò inatxinamy wahe. Simaõ-Isariò riòre tii rare. Judasi dori Jesuusi riwahinykremy ratxireri idludu mahādu-ò.

**7** <sup>1</sup>Judeu mahādu Jesuusi rubudỹỹmy rurumyhỹre. Tai tahe Judeia bedeludu hāwā-ò raldõmyhỹre. Kalileia bedeludu hāwādile rariamyhỹre. <sup>2</sup>Tahe judeu mahādu worana bedehesi iòhõmy rỹimyhỹ. Kiani tahe heto riòre worana bedehesi rare. <sup>3</sup>Tahe Jesuusi seriõreboho tamy rarybere: —Make wa karibi Judeia mahādu bede-ò aerydỹyna mahādu dori aõwiwihikỹ kai tewinyteò tuu robikemy. <sup>4</sup>Aõwiwihikỹmy tewinyteri, tai tahe ixinamy iny tuu ibutumy robikre. Ibutumy iny ixierysomy tahõtinyteri-wana urile iny lau iwòteõmy aõna aõna wiwihikỹ. <sup>5</sup>Jesuusi seriõre mahādu tule rityhynyõre. <sup>6</sup>Jesuusi tahe dirawyõnyde: —Wiji araõkre wabededỹỹnanamy dori tuu reaõmy ratxireri. Kaiboho tahe adohotalemy bòike. <sup>7</sup>Bede ludu mahādu iny dori aluurenre, tahe waderamy rekoarenre. Iõrarunamy dori jiarỹ tamy rarybemahãre, ibinatyhyremy. <sup>8</sup>Kaiboho boibenyke worana bedehesi-ò. Jiarỹ tahe wiji araõkre, wabededỹỹnanamy reaõmy doimyhỹde. <sup>9</sup>Kia tahe Jesuusi tamyreny rarybere. Tahe Kalileia-ribi Jesuusi ròhõnyõmy rỹimyhỹre.

<sup>10</sup>Tahe iseriõre roirenre worana bedehesi-ò. Idi tahe tule tii rare iherenymy itỹnymy aõkõ wahe, wasimy inyõ tuu robiheny. <sup>11</sup>Judeu mahādu tahe Jesuusi riijemyhỹre worana bedehesi òrake-ò. Rarybemyhỹre: —Titxibo tahe tii ratximyhỹre. <sup>12</sup>Jesusimy rybe ixitxiõdỹyna ròhõnyre inysõwehekỹ-ki. Inyõ heka awimy tuu rarybemyhỹre. Ijõ tahe ibinamy tuu rarybemyhỹre, tii iny itxenadỹỹdu raremy. <sup>13</sup>Inyõ tuu rarybeõhyymyhỹre ibutumy ijohonamy judeu mahādu lau ruberureki.

<sup>14</sup>Worana bedehesi tya-ki Jesuusi Deuxu dohodỹyna heto-ò ralore ribedeerynkemy. <sup>15</sup>Ribedeerynyreu tahe judeu mahādu ijõ-ò rarybere: —Timykibo he kia ritidỹyna rierymy tuu rarybemyhỹre. Rierykõ ihãrele iny rierynanymyhỹre. <sup>16</sup>Tahe Jesuusi dirawyõnyde: Waerydỹyna-di aõkõ rebedeeryre, Deuxu wateõdỹỹdu rybe-di wahe. <sup>17</sup>Inyõ Deuxudeewimy ratxikeki, tii rierykre aõerydỹynabo òbitimy ratxireri. Tii rieryke Deuxu-ribi aõbo rarybereri ada ixi-ribi rarybereri. <sup>18</sup>Iny ixi-ribi rarybekeki, tiile rexiloosõnanyke. Tahe iny iteõdỹỹdumy rarybekeki, tii tahe inatyhy rare. Tii inatyhymy òbiti rare. <sup>19</sup>Moisesi adee bedeludu ywina riwahinyre: —Tahe kaibohoõ tetyhynyõhyymahãtenyte. Tai tahe aõherekibo biwarubunykemy atxitenyteri. <sup>20</sup>Tamy inyõ dirawyõnyde. Kaita itxýteteri. Inyõ ka ararubunykemy aõkõ ratxireri. <sup>21</sup>Jiarỹ inyõ reteytenyre sabado txuu tahe kaiboho wadi bedeludu teõtiniytenyte. <sup>22</sup>Boholake, Moisesi bedeludu ywina arateõnyke ariõre ritõtityky aròkemy resynanykemy. (Boboho tahe kia tuu ritelenyre Moisesi aõkõ.) Tahe notyky resyna txu rỹikeki, tuu tewinyte sabado txu hãrele. <sup>23</sup>Kia sabado txu biwinybenykeki Moisesi bedeludu ywina riwinykemy, tahe aõherekibo wadee taykarananyteri hãbu sabado txu reteytenyrekere. <sup>24</sup>Aõ òbitimy aõkõ rare, òbitimy tahõtinyterikile. Òbitinale-di maraykynybenyke.

25 Ijõ Jerusalê hãwã ludu mahãduõ rarybere: 26—Kia rarybemy rÿirerile, tii irubudÿÿmy rexinohõtinyreri. Beteheke. Butumy ijohonanamy kia rarybemyhÿre. Ihãrele taheka inyõ tamy rarybeõhyymyhÿre. Wedu mahãdu rõhõtinyhÿre: —Ina aõkãbo Kristumy inatyhymy tii rare. 27 Inyboho tahe rierymyhÿre titxiribibo tiõ namyhÿde. Kristu Deuxu deõdÿÿna tahe kanakeu, inyõ tahe rieryõtyhy titxiribibo kanake. 28 Jesuisi tahe Deuxu dohodÿÿna heto-ki ribideerynymyhÿreu rarybere: —Kaiboho tiwaerytenynte, titxiribibo anade tule teerytenynte. Tahe wateõdÿÿdu teeryõtenynte. Terõwmy heka jiarÿ anade. Tule tii inatyhytyhymy rare. 29 Iribi jiarÿ anade Tii riwateõnyre, tai jiarÿ tii reeryre. 30 Inyõ rijemyhÿ rirõtenykemy. Tahe rimyõhyyre ruberureki, ibededÿÿnanamy aõkõ bede rÿireki. 31 Iny sõwehekÿ-ribi sõwemy iny rityhynyre. Tahe inyõ rarybere: —Kristu Deuxu deõdÿÿna iratyre aõna aõna wiwihikÿ riwinykemy tahõtinyteri. Aõkõre, tii dori inatyhymy Kristu rare. 32 Fariseu mahãdu kia-õ roholareu, tahe wii ributunyre xiwe wahidÿÿdu wedu mahãdu-wana. Tahe tiiboho soldadu mahãduõ riteõnyrenyre Jesuisi rimykemy. 33 Jesuisi tahe tamyreny rarybere: —Urihimyõ umyreny-wana watxikre, idi ta arõðekre wateõdÿÿdu-õ ixby. 34 Kiaboho biwaijebenkyre, waki mahabenyõtyhy. Titxibo watxireri kia-õ heka bitehemynyõtyhy. 35 Judeu mahãdu tahe widee rarybere: —Titxiwexe tii rakremy ihÿre, tuu rokobirenyõtyhy tai rakaharenyõtyhy, myÿ rarybemyhÿre wahe: judeukõdu mahãdu bede-õ aõbo rakremy ixi-di ratxireri. Tai ribedeerynykemy, judeu mahãdu-wana rasÿnykemy. 36 Timybohe rarybere: —Waki mahabenyõtyhy, titxibo watxireri-õ behemyhyõtyhy, myÿ rarybereri.

37 Ihewotxu worana bedehesi aõnihikÿtyhy rare. Jesuisi iu rexiukÿnyre rarybekemy: —Inyõ bemomy risakeki, wadee kanake, riõke. 38 Inyõ riwatyhynykeki, Tyuritina-ki kia wese rybe rÿire:

—Iwo-ribi benihikÿ iru rõhõnyke.

39 Iu Jesuisi kia rarybereu, Deuxu Tytybytyhy aõmy dÿÿnanamy rarybere. Iny dori rityhynykeki, iwo-õ Deuxu Tytybytyhy ralõke. Urile tahe Deuxu Tytybytyhy riwahinyõmy rÿire. Jesuisi dori rõðseõre biu-õ. 40 Tahe roholare mahãdu tahe rarybere: —Ka heka hãbu Deuxu Rybedutyhy rare. 41 Ijõ tahe rarybere: —Tii Kristu rare. Ijõ tahe rarybere: —Kristu aõkõ Kalileia bede-ribi dori tii rareri. 42 Tyuritina rybe-ki roire: —Kristu, Davi sÿ-mahãdu ribi kanakremy. Belê hãwã-ribi; titxibo Davi rasÿnyre-ribi. 43 Tai tahe wiwese wese aõkõ rõhõtinyrenyre Jesuisi-di. 44 Inyõ rirõtenykemy ixi-di ratximyhÿ, ihãrele tahe inyõ rimyõhyyre.

45 Tahe soldado mahãdu rõðsemy rare rimyõhyylemy fariseu mahãdu-õ xiwewahidÿÿdu mahãdu wedu-õ. Tahe soldado-õ rÿÿraxirenyre: —Aõherekibo tedyõteri. 46 Tahe dirawyõnyde: —Timybo inyõ kowa hãbu wesemy rarybeõhyyre rybe iwixira wihikÿmy tii rarybere. 47 Tahe fariseu mahãdu rarybere: —Kaiboho aõbo tule araitxenanyrenyra. 48 Inyboho mahãdu reny-ribi moõ rityhynyõhyymyhÿre, fariseu mahãdu wahe, wedu mahãdu wahe. 49 Inyõ rityhynyre, tahe tiiboho Moisesi bede ywina rieryõre tai Deuxu aõhõkÿmydÿÿnana-txi idi rehukre. Aõhõkÿmydÿÿnana-õ ritamadÿÿnykre.

<sup>50</sup>Nikodema iyreny-ki ratximyhỹ. Fariseu mahãduõ tii rare, juhuu Jesuisi raraõ rare wahe. Tii heka rarybere imahãdu-õ. <sup>51</sup>Juhuu roholamyhỹre aõhebo rotỹnyraõ wahe idi tahe ibinakeki rirõtenykremy rijjemyhỹre. Kia tahe iny bede ywinareny rare. <sup>52</sup>Tahe rirawyõnyrenyre: —Kai wa tule Kalileia mahãduõ atxiteri. Tyyriti-õ beteheke timybo rarybereriõ: —Kalileia-ribi rybeduõ rõhõnyõtyhy wahe.

**8** <sup>1</sup>[Tahe ibutumy he tasỹ-õ reareare. Iu tahe Jesuisi rare Oliveira hãwãlõ-õ. <sup>2</sup>Biura-di tahe dõõsede Deuxu dohodỹyna heto-õ ixby. Sõwemy iny tamy rare; Jesuisi ronyre; ribedeerynyre. <sup>3</sup>Hãwyyõ ratximyhỹ hãbu witxiraõ-wana wasimy ratximyhỹ. Tahe inywitxiraõ itxireny reare. Tai tahe Deuxu rybe erydỹydu mahãdu fariseu mahãdu-wana hãwyy didyde Jesuisi-õ. Tahe hãwyy-õ rarybere rỹikemy iny sõwehekỹy-ki. <sup>4</sup>Tahe raryberenyre Jesuisi-õ: —Bede erydu: —Kahãwyy tỹwe rare inyõ itxi reara. <sup>5</sup>Iny bede ywina Moisesi riwawahinyré tahe rarybere mana-di rurumyhỹkemy. Tahe aõmybo kai mynarybeke. <sup>6</sup>Tiiboho kiamy rarybere Jesuisi riurihire timybo rarybekemy. Tai tahe ibinamy tamy rarybekemy idi ratxireri. Jesuisi tahe suõ resera rõritidỹykremy tebõ-di suki riritinyra. <sup>7</sup>Tahe ritỹraxinyhyy ihỹmyhỹ. Tahe Jesuisi rỹire; rarybere: —Inyõ õrarukõmy ratxirerile, tii mana-di juhuu tamy rehukre. <sup>8</sup>Ixityrele sỹ Jesuisi rõritidỹyõre suõ. <sup>9</sup>Kia rybe-õ roholarenyreu, tahe rexitarenyre sohoji sohojilemy, tarayky dori ribinadỹnyrenyre. Matuari mahãdu tahe juhuu rexitare. Ikonanatyhy dori rare, tahe Jesuisi hãwyywanale tai rỹire. <sup>10</sup>Jesuisi retehere: —Hãwyy sohojilemy robire rỹraxire tamy: —Hãwyy, titxibo mana-di arubudỹymy rybedu mahãdu rirahura. Inyõ aõhe arasỹnyõhyra. <sup>11</sup>Tahe dirawyõnyde: —Anokõre, Wahĩ. Tahe Jesuisi rarybere: —Jiarỹ tulere! Mahe, õraruna-txi tahe ixby ixõmy.]

<sup>12</sup>Ixityre Jesuisi rarybere tamy: —Jiarỹ wabede loosõna rare. Inyõ wahemy kanakeki, bede luru-ki rariaõtyhy. Tii heka loosõna-di tarayky-ki rarekre. <sup>13</sup>Tahe fariseu mahãdu tamy rarybere: —Aõkõre, kai wa iximy tarybeteri tai tahe arybe inatyhymy aõkõ rare. <sup>14</sup>Jesuisi dirawyõnyde: —Inatyhymy iximy rarybereri jiarỹ, tahe warybe inatyhy rare, jiarỹ dori reeryre titxiribibo anade, tule tiobo arakre reeryre. Kaiboho tahe kia teeryõtenyte. <sup>15</sup>Kaiboho waywisidỹymy tadiõlõnyte, ihãre tahe õbitimy tiwaywinytenyõte tiwaerytenykõteki. Tahe jiarỹ inyõ reywinyõreri. <sup>16</sup>Jiarỹ inyõ ariywinykeki, waywisidỹyna tahe õbiti rare. Jiarỹ dori ixivanale aõkõ rare. Waha, wadeõdỹydu wawana raremyhỹ. <sup>17</sup>Abede ywina-ki kia rybe riritinymy rỹimyhỹre: —Inatxi hãbumy wiwesehyylemy rarybekeki kia tahe inatyhy rare. <sup>18</sup>Jiarỹ iximy rarybemahãre tule Waha wadeõdỹydu wamy adeereny rarybemyhỹre. <sup>19</sup>Tahe tiiboho Jesuisi-õ rỹraxirenyre: —Titxibo boo ratximyhỹre. Jesuisi rarybere: —Kaiboho tiwaerykõmahãtenyte, Waha tule teeryõmahãtenyte. Kai biwaerybenyõkeki, tule Waha bierybenyõtyhy. <sup>20</sup>Kia Jesuisi rarybere Deuxu dohodỹyna hetowo-ki, iubereri yrubudỹyna ube-ki. Tahe inyõ rimyõhyyre, ibededỹynanamy aõkõ bede rỹireki.

<sup>21</sup>Iribi tahe ixityre tamy rarybere: —Jiarỹ he arakre karibi. Kaiboho biwaijebenkyre tahe aõrarurenydile burubenykre. Boiõtyhy titxibo arakre-õ. <sup>22</sup>Tai



tahe judeu mahādu widee raryberenyre: —Inatyhymy aōbo tii rexirubunykre. Tii raryberaki: —Titxibo arakremy boiōtyhy, myki tuu idi rōhōtynyrenyre. <sup>23</sup> Tahe Jesuisi rarybere: —Kaiboho kaludu toite; jiarỹ aōkōre, biu ludu rare. Kaiboho bedede ludu toite, jiarỹ tahe kabede ludu aōkō jiarỹ rare. <sup>24</sup> Tai heka adeereny rarybereri aōrarureny-di burubenykremy. Inatyhymy jiarỹ tii rare: —Iwese rarybere wesemy. Tahe kia warybe bityhynyōbenykeki, aōrarureny-di burubenykre. <sup>25</sup> Tahe tiiboho rỹraxyrenyre Jesuisi-ō: —Mobo he tate. Jesuisi dirawyōnyde: —Timybo adeereny rarybewāhāre, juhuu wahe. <sup>26</sup> Jiarỹ sōwemy rỹire aōna aōnamy umyreny ararybeke umyreny ariywinyke ta ararybekre Waha tuu wadee rarybelemy. Tii diwateōnyte tii inatyhymy rare. Irybelemy bedede iny-ō ararybekre. <sup>27</sup> Rieryōhyyre tamyreny rarybere, tybymy. <sup>28</sup> Kaiboho heka biwatamadỹnybenykreu, bierybenybenykre mobo jiarỹ rare. Tule ixi-ribi aōkō aōna aōna rewinywāhāre bierybenykre; tule iwese Waha riwaerynanymyhyre wese, rarybemahāre. Kia tule bierybenykre. <sup>29</sup> Wateōdỹdydu wawana rarenyhỹ. Iximy riwariōtyhy, jiarỹ tamy wimy rewinyhyamahāreki. <sup>30</sup> Kiamy tarybe rahudi tahe, sōwemy iny rityhynyre.

<sup>31</sup> Judeu ityhydỹdydu mahādu-ō Jesuisi rarybere: —Kaiboho warybe tyhy-di mohōtynybenyhykeki, inatyhymy watyhydỹdydu waheludumy boibekre. <sup>32</sup> Inatyhyna tahe bierybenykre. Kia dori aratarenyke, deōdumy aōkō boibekre. <sup>33</sup> Dirawyōnydenyde aōkōre inyboho Abraō riōkōre roire, tiu heka modeōdumy roirekōmahāre. Timybo tarybeta: —Deōdu-ribi riwatakemy. <sup>34</sup> Tahe Jesuisi tamy rarybere inyō ōraru-di hyy rexiōrarunykeki, tii ōraruna deōdu wese hyyle rare. <sup>35</sup> Deōdu heka heto wedu ijojihymy aōkō rarekre. Iwedu ixinamy rakre. Riōre tahe ijojihymy rare. <sup>36</sup> Tahe Deuxu Riōre heka ixinamy arateōnykeki, tiu ōraruna deōdu wesemy ixiby bonybenyōtyhy. <sup>37</sup> Abraō riōkōre inatyhymy toite. Kia tahe reeryre. Ihārele tahe biwarubunybenykemy atxitenyteri warybe dori arakywo-di aōkō ratxireri. <sup>38</sup> Waha-wana ranymahāu, aōmybo rabire, wiji tuu rarybereri. Kaiboho tule boo-ribi tabitenyete tuu tewinytenyteri. <sup>39</sup> Rirawyōnyrenyre: —Wahareny heka Abraō rare. Jesuisi rarybere: —Abraō riōremy inatyhymy toite-wana, Abraō aōmydỹynana iwesemy biwinybenyke. <sup>40</sup> Katahe warubudỹymy wadi atxitenyteri. Inatyhyna Deuxu-ribi raholaremy, adeereny rarybemahāre, tai tahe warubudỹymy atxitenyteri. Abraō tahe tiu tahe tuu rotỹnyōtyhy. <sup>41</sup> Kaiboho heka borenytyhy wesele tatỹnymahātenyete. Dirawyōnyde: —Aōkōre, jiarỹboho waxiriōre aōkō roire. Deuxuhyyle iny tybyreny rare. <sup>42</sup> Tahe Jesuisi rerawyōnyre: —Deuxu boo inatyhymy rare-wana inihe kaiboho waluurenyre. Jiarỹ dori Deuxu-ribi anade. Ixidee wimy aōkō anade tii diwateōnyde. <sup>43</sup> Aōherekibo teerytenyōte warybe. Isiratyhyre aōbo ijohona. Aōkōre, ityhydỹy isirare adeereny. <sup>44</sup> Kaiboho Diabo riōre toite tamywimy biwinykemy atxitenyteri. Tii juhuu rubudỹdydu hyy rare. Tii heka raruireri inatyhywesehekỹle wahe. Tii ruidu rare. Ruiwedu tii rare. <sup>45</sup> Kaiboho heka tiwatyhynyōhyamahātenyete inatyhyna dori jiarỹ rarybemahāre. <sup>46</sup> Inyō inihe wamy rarybeōtyhy jiarỹ ōrarudu raremy. Adeereny inatyhynamy rarybereri. Aōherekibo tiwatyhynyōteri. <sup>47</sup> Iny Deuxu-ribi ratxireri,

Deuxu rybe roholamyhÿre. Kaiboho Deuxuhõrõ aõkõ toite. Teõdu aõkõ toite. Taita warybe-ò taholaõteri.

<sup>48</sup>Jesuisi-ò tiiboho dirawyònydenyde: —Inatyhymy rarybewähärenyde. Kai Samaria mahädu tate. Kaludu mahädu aõkõ tate. Kai tyytybybina dire. <sup>49</sup>Jesuisi rirawyònyre: —Aõkõre, tyytybybina-di aõkõ watxireri. Waha tahe rewowydynywähäre. Kaibohole tiwabınadÿÿnymahätenyde. <sup>50</sup>Wowydyna ixi-di aõkõ rejjereri. Waha tahe kia aõmydÿÿnanamy riywınykre, tii rierymyhÿre. <sup>51</sup>Inatyhytyhymy adee ararybekre: —Inyõ warybemy reõbykeki, tiu rubumy tii robiõtyhy. <sup>52</sup>Tai judeu mahädu rarybere: —Katahe inatyhymyhe inydeereny aerysydÿÿna rÿıra tyytybybina-di tate wahe. Abraõ tahe rurure; Deuxu rybedu tule. Tahe timybo kai tarybeta: —Inyõ warybemy reõbykeki tiu rubu urihixinamy roiõtyhy tamy. <sup>53</sup>Kai aõbo inytybyreny Abraõ ratyre awikemy aõbo ixi-di tahõtınymahäte. Abraõ rurure Deuxu rybemy rybenadu amahädu tule rurure. Mobo raremy he tahõtınymahäte. <sup>54</sup>Tahe Jesuisi rirawyònyre: —Jiarÿ ixi-di wowydyna ariijekeki, tahe wawowydyna aõ aõkõmy rareke. Waha tahe riwawowydynymyhyke aDeuxumy raremy tu tarybeteri. <sup>55</sup>Tahe aõkõ teeryõtenyde. Jiarÿ tate reerymahäre. Jiarÿ reeryõmahäreny ararybekeki, tai ruıdumy rareki, iwese kaiboho toite wesele wahe. Tahe reerywähäre, tule irybemy reõbymahäre. <sup>56</sup>Boreny Abraõ, wamy dobide, wabededÿÿnana kanakremy tuu dobide, wabededÿÿnana kanakremy tuu dobide tai tahe reysatyhymy rare. <sup>57</sup>Tahe judeu wedu mahädu rarybere: —Kai 50 beõramy aõkõ atxiteri timyrekıbo tarybeta Abraõ tabitemy. <sup>58</sup>Jesuisi dirawyònyde: —Abraõ reaõule,

Jiarÿ rarehyymahä.

<sup>59</sup>Tahe manadile rimymy reserenyde idile rirabunykemy. Jesuisi tahe rexiwòmıy irıbi rõhònımy rare, dohodÿÿna heto-riıbi.

**9** <sup>1</sup>Jesuisi rariamy rare, tii robımy rare häbu ruetämy. Tii iruetähäkÿmy ratohouämy herınanyre. <sup>2</sup>Ierydÿÿna mahädu rÿÿraxire tamy. Erydÿÿdu, aõherekıbo häbu ratohouänyra iruetymy, ise tyby idarudireki aõbo ada taõrarumy aõbo. <sup>3</sup>Tahe Jesuisi rirawyònyre: —Tahe aõkõre tyby ise-ke aõkõ tiıke aõkõ. Deuxu ruru wıji rıteõsınykremy tahe tii kiawesemy rohonyre. <sup>4</sup>Wateõdÿÿdu aõmydÿÿnanamy arotÿÿnyrenykemy watxiwähärenyde. Inyboho rıkiwınyrenyke ibededÿÿnanamy rÿıkreu, iwese txumy rÿıkre wese tahe rumy heka kanakre tai raaõmysÿdÿÿomyhÿre. <sup>5</sup>Kabede-ki watxiwähäreõle tahe jiarÿ bede ludu mahädu loosõnatyhymy jiarÿ rare. <sup>6</sup>Tarybe rahudi tahe rarybexınyre suõ idi tahe subororomy ritxıenyre. Idi ta häbu rueyre-ò subororo ritıdire. <sup>7</sup>Tahe häbu ruetä-ò rarybere: —Make wa bexıshõke Silõe ahobe-di. Silõemy ninadu heka iny rybe-ki deõdÿÿna wesemy rare. Häbu tahe rare, risuhore, dõõsede robımy. <sup>8</sup>Tahe ierydu mahädu, tuu robıre idi itxeredu mahädu raryberenyre widee: —Kabe häbu ıxitõedÿÿdu rare, nierumy kowa-ki rexitõenymy ronımyhÿrele rare. <sup>9</sup>Ijõ rarybere tule rare. Ijõ rarybere: —Aõkõre, iwesele tahe iwıtxirari. <sup>10</sup>Rÿÿraxırenyde tamy: —Timyıkıbo arue reytera. <sup>11</sup>Rirawyònyre: —Häbuõ Jesuisi inıre. Tii tahe suboro borole riwınyra warue-ò ritıdire. Tahe wadee rarybera: —Make Silõe ahobe-ò aõ

bisuhòke. Tahe rare, resuhore, tai rabimy watxireri. <sup>12</sup>Rÿÿraxirenre titxibo tahe tii rara. Rirawyònyra: —Reeryõre.

<sup>13-14</sup>Kia ruedeytena Jesuisi riwinyre sabado txuu, judeu aõmysÿdÿÿna txu aõkõ. Tahe tiiboho hãbu ridyrenre fariseu mahãdu-ò. <sup>15</sup>Ixityre hãbu-ò rÿÿraxirenre: —Timykibo riteytenra. Tahe rirawyònyre: —Subororole waruetyre-ò ritidira, idi resuhòra, iule tahe retehera. <sup>16</sup>Tai tahe fariseu mahãdu-ò narybede: —Ka hãbu Deuxu-ribi aõkõ nade. Kakÿny sabadotxu bede ywina riywinyõhyre. Tahe ijõ imahãduõ rarybere: —Hãbu òraruduõ tiu deytanawiwihikÿõ kia wesemy riwinyõtyhy. Tai tahe wiribi hitximy raraykynrenre. <sup>17</sup>Tahe ixityre hãbu-ò rÿÿraxire: —Tii arue arue riteytenra: —Tai tahe timybo tuu marybekre. Hãbu rarybere: —Tii Deuxu rybemy rybeduõ rare. <sup>18</sup>Tahe judeu mahãduõ rarybere: —Ise-wana tybywana widee ararybekekile, arityhynkre. Tai riteònyre tybybohoòrysomy. <sup>19</sup>Rehemynyreu, tahe tamy rarybere: —Kaa aõbo ariòre rare. Inatyhymy aõbo iruetàmý reare. Timykibo tahe wiji robira. <sup>20</sup>Tahe tybyboho rirawyònyre. Inatyhymy wariòreony rare. Iruetàlemý ka reare. <sup>21</sup>Reerykòrenre timykibo retehera. Irueriraynyre dori, reeryõhyre. Tamy marybebenyke. Ibeòra dire ka, iximy relyyleke. <sup>22-23</sup>Tybyboho ruberumyhÿrenre judeu mahãdu lau. Judeu mahãdu dori, rarybemyhÿre: —Inyõ Jesuisimy rarybekeki, tii Kristu Deuxu deòdÿÿna raremy rarybekeki, tahe dohodÿÿnawo-ribi riteònykemy idi rÿira. Tai tahe hãbutybyboho kia wesemy raryberenyre. Tii ibeòra dire: —Tamy marybebenyke.

<sup>24</sup>Juhuu iruetàmý raremyhÿò ixityre ròtedÿÿmy rarybere. Òbiti rybe-di marybeke. Inydeereny tahe ka dori òrarudu rare. Tai tahe Deuxu biwowydnyke. Tahe tii rarybere: <sup>25</sup>—Tii òrarudu rare, reerykòre. Sohoji aõmydÿÿnana reeryre. Juhuu waruetàle heka reeryre, wiji tahe retehereri. <sup>26</sup>Tahe ixityre tamy rÿÿraxire: —Aõbo tii riwinyre. Timybo arue roire. <sup>27</sup>Hãbu rarybere: —Adeereny tuu rarybere tahe taholaòhytyenta. Aòherekibo ixityre ijohonamy tarybetenyteri. Ierydÿÿnamy boibekemy aõbo atxitenyteri. <sup>28</sup>Tuu raryberenyre aõbina binalemý. Kai heka iijoiò atxiteri. Jiarÿboho Moisesi erydÿÿna jiarÿboho roire. <sup>29</sup>Deuxu Moisesi-ò rarybemyhÿre. Kiamy reeryrenre. Ka hãbumy tahe aõmy raholaòmahàreny, tiludubo rare. <sup>30</sup>Kia wa riwateytenra bedeòtiidÿÿna urenana tii rare. Ihàrele tahe kaiboho teeryõmy tuu tarybetenyteri. Wade kia ajuedena rare. <sup>31</sup>Deuxu wa òrarudu ixitòedÿÿna-ò roholaòtyhy. Kia reeryrenre. Tahe inyõ Deuxu rityhynkeki tamywimy rÿirakeki, kia-ò Deuxu roholakre. <sup>32</sup>Bede rexdelenyreu, inyõ roholatyhy iruetàmý raumynyre heka reytere. Inyõ tiu riwinyõre, wiji tahe diwinyde. <sup>33</sup>Kia hãbu Deuxu-ribi nokòduò aõkòkeki tiu aõ riwinyõtyhy. <sup>34</sup>Tahe fariseu mahãdu aõbinahakÿlemý tuu rarybere: —Kai uladumy teateu, òrarudutyhymy tate. Kai aõmybo biwabedeerynybenykremý aõbo wadireny tahòtynyteri. Tahe riteònyre dohodÿÿna heto-ribi. Ihyymy riteònyre.

<sup>35</sup>Kia-ò Jesuisi roholareu hãbu riijere tahe rÿÿraxire tuu: —Kai Deuxu Riòre Hãbutyhyhykÿ aõbo tetyhynyte. <sup>36</sup>Hãbu rarybere: —Mobo tii rare,

Wanyrỹ, arityhynkemy watzireri. <sup>37</sup>Wamy wa tabita, jiarỹleheka watzireri. Adee rarybererile watzireri. <sup>38</sup>Tahe rarybere: —Wanyrỹ aratyhynya he. Tahe hãbu Jesuisi riwowydynyre. <sup>39</sup>Jesuisi rarybehyyra: —Jiarỹ anade kabede-ò iny ruetà aritobixidỹnykemy; tule robimyhỹre mahãdu ariruetãdỹnykre. Iny òwydỹnyama anade. <sup>40</sup>Fariseu iòhòmy iribi rỹimyhỹ roholare irybe-ò. Tahe tamy rỹyraxire. Inatyhykò aòbo ka jiarỹboho tule waruetãrenyre. <sup>41</sup>Jesuisi rarybere: —Aruetãmy ahãtenyteki, aòruna-di aòkò toite. Tahe tarybetenye reerywãhã, rabiwãhãre. Tai aòraruhyy-di toite.

**10** <sup>1</sup>Inatyhythymy adeereny ararybekre: —Inyò budoeni yrubudỹnyãna ijòtòbòna-di, ralòòkeki, tii tahe wasidu ixiwatxidỹnydumy rare, raòwònymy heka ralòmyhỹre. <sup>2</sup>Ijòtòbòna-di ròtedu, tii budoeni-di itxeredutyhy rare. <sup>3</sup>Iu ijòtòbòna-ò rehemynymyhỹreu, ijòtòbòna ludu tamy riraynymyhỹre. Tule budoeni irybe rierymyhỹre. Sohoji sohoji-ò ininimy tamy ryrwymyhỹre, tahe idi ròhònymy ridymyhỹre. <sup>4</sup>Ihòrò ahana-ò ridyreu, tii iko-ò rỹimy idi ramyhỹre. Riheludunymy idi raremyhỹ rierymyhỹreki irybe. <sup>5</sup>Budoeni ieryòdu riheludunyòtyhy, irybe rieryòreki. Iny ieryòdu-ribi rahenykre. <sup>6</sup>Jesuisi tamy kia bede eryna iyyymy relyyre. Tiibohe tahe rieryòhyrenyre timybo ibede erydỹnyama rororerimy.

<sup>7</sup>Tahe Jesuisi ritỹnyre tamyreny: —Jiarỹ budoeni ijòtòbòna wesemy rãimahãre. <sup>8</sup>Ibutumy iny wakòule rehemynyre wasidu ixiwatxidỹnydumy rỹramyhỹ. Wabudoeni ityhydỹnydu wesemy rỹirerimy ihỹre. Tiibohe wasidurybe-ò roholaòhymyhỹrenyre. <sup>9</sup>Jiarỹ ijòtòbòna wesemy rãiwãhãre. Inyò wamy ralòkeki, tii heka tarasanaòmy rarekre. Iwese wabudoeni ralòmyhỹre idi ròhònymyhỹre asi wiwihikỹmy riroximyhỹre wesemy, tule ityhydỹnydu mahãdu rỹirakre, bedeòbyna wiwihikỹ ritakremy. <sup>10</sup>Wasidu heka rubudỹnyã nade, bedehudumy wasimy, jiarỹ tahe anade inyò umytedeòna ariwahinykremy, irutyhytyhy wihikỹmy wiji rỹirakremy. <sup>11</sup>Jiarỹ budoeni-di itxeredu wihikỹ rare. Ihyy ta waumy ariwahinykre teròwyrenymy. <sup>12</sup>Inyò budoeni-di itxeredumy deòdumy risỹnykeki, tii riwisinanyòtyhy, tii dori budoeni wedu aòkò rare, deòdule rareki. Tahe iròdu rebunaò tamy kanakeki tahe rahenyke iribi, tai ijò rimyke, ihona tahe raòrunyke. <sup>13</sup>Deòdu heka rahenyke tii iwedu aòkò rareki, tii aòmy aòkò idi ròhòtinymyhỹre, iòwydimy aòkò. <sup>14-15</sup>Jiarỹ heka itxeredu wihikỹ rare wabudoeni riwaerymyhỹre. Jiarỹ tule tii mahãdu reerywãhãre. Waha riwaeryre, tule tii reeryre. Iwesetyhyle wabudoeni-wana wii reerynyre. Iòraru-ki tahe waumy ariwahinykemy idi wãhãre. <sup>16</sup>Jiarỹ wabudoeniò-di watziwãhãre. Aò kabede-ki aòkò. Ibutumy aributunykemy idi watzireri. Tai tahe sohoji ijoihyylemy heka roikre. Ibutu-di itxeredumy ararekre. <sup>17</sup>Tai heka Waha waluure, waumy ariwahinykreki wahe. Ihãrele tahe ixiby idi arexiumydỹnykre. <sup>18</sup>Inyò heka ixideewiòkeki riwarubunyòtyhy. Arexiwahinykre tamyreny riwarubunyrenykremy. Ixideewikre, arexiwahinykre, tule waumy arimymy arexiixixanykre. Waha dori wadee rarybere tii ariwinykremy.

<sup>19</sup>Kia rybe òraru-ki judeu mahādu rybe rexijejeinyre. <sup>20</sup>Sōwemy iny ritxiōnomy rarybere: —Tii tyytybybina-di ratximyhÿre ada raitxÿtemy aōbo ihÿre. Aōherekibo tamy taholamahātenyete. <sup>21</sup>Ijō tahe rarybere: —Aō tyytybybina-di aōkō rarybemyhÿre. Tyytybybina aōbo hābu ruetā riruedÿÿnyōtyhy.

<sup>22</sup>Jerusalē hāwā-ki heka bedrahyy rare. Worana bedehesi hetxina Tÿmyradÿÿna rÿire. <sup>23</sup>Salomaō Ube-ki, Deuxu dohodÿÿna heto ubeō-ki. <sup>24</sup>Jesuisi rariamy ihÿmyhÿ. Tahe judeu mahādu rirurawonyre itÿÿraxidÿÿmy. Tiwese bededÿÿnanomybo nohōtidihyy bede ariwyrenykre. Kai inatyhymy Kristumy tate-wana, tahe manarybeke itÿnomy. <sup>25</sup>Jesuisi dirawyōnyde: —Rarybere wahe, tahe kaiboho tiwatyhynytenyōhyyte. Inatyhymy ierysmy mohōtynybenykeki, waaōmydÿÿnana wiwihikÿ rewinymahāre-di betehebonyke. Wahani-di kia rewinymahāre. <sup>26</sup>Kaiboho tahe tiwatyhynyōlemahātenyete, wabudoeni wesemy aōkō toite. <sup>27</sup>Wabudoeni warybe rierymyhÿre, riwaheludunomyhÿre; jiarÿ heka ibutumy wabudoeni reerymahāre. <sup>28</sup>Tamy umytuedeōna rewahinywāhāre tiu heka ruruōtyhy. Inyō waribi ridyōtyhy. <sup>29</sup>Waha wadee riwahinyre. Tii heka ibaturatyre rare. Inyō iribi ritaōtyhy. <sup>30</sup>Jiarÿ Waha-wana sohojihyyte watxiwāhāre.

<sup>31</sup>Ixityre tahe judeu mahādu mana-di rirubunykre idi rÿire. <sup>32</sup>Tahe Jesuisi tamyreny rarybere: —Jiarÿ sōwemy bedeōbyna inydee rewinywāhāre Waha ruru-di. Aōðrarukibo biwarubunybenykre. <sup>33</sup>Tahe judeu mahādu rirawyōnyre: —Kai aōmydÿÿnana wiwihikÿle tewinyte. Kia òraru-ki aōkō ijoi adi rÿireri mana-di arubudÿÿmy Deuxumy binatyhymy tarybeteriki. Kai dori hābu tate, ihārele Deuxumy texiniteri. <sup>34-35</sup>Jesuisi rarybere: —Abede ywina-ki ryberiti rÿire. Deuxu Rybe òbitihyymy raritiny rÿire. Kiamy: —Jiarÿ rarybere: —Kaiboho Deuxu toite. Deuxu Rybe heka inyō-ò diteōnyde. Kia mahādu tahe Deuxulemy rininire. <sup>36</sup>Deuxumy tiiboho rininirenyre-wana, aōherekibo wadee takyarananyteri jiarÿ tule Deuxu Riðrelemy rexininireki. Waha dori, riwatamy diwateōnyde. Timykibo kaiboho tarybetenyteri Deuxumy ibinamy jiarÿ rarybererimy <sup>37-38</sup>Waha-ribi bedeōbyna ariwinyōkeki, biwatyhynybenyōtyhy. Tahe ariwinykeki, aōbo rewinyre-wana bityhynybenyke, biwatyhynybenyōke hārele. Tai tahe bityhynybenymy boibeke jiarÿ Waha-wana wāhāre tule Waha wawana ratximyhÿre.

<sup>39</sup>Kabedeu ixityre rijere Jesuisi rimyky tii rexitamy rexihedÿÿnyre.

<sup>40</sup>Jesuisi ixityre Jordaō bero kowa weribi-ò reurore. Joaō juhū rōsebedÿÿmyhÿð rare. Taile tahe tii raremyhÿ. <sup>41</sup>Tahe sōwemy iny tamy roirenyre. Tamy rarybere: —Inatyhymy Joaō bedeōby iny itxerenamy riwinyōre. Tahe ibutumy tii Jesusimy rarybemyhÿre, inatyhy rare.

<sup>42</sup>Sōwemy heka taile Jesusimy rityhynomyhÿre.

**11** <sup>1-2</sup>Lazaru ibinamy roimyhÿ Betÿnia hāwā-ki. Marie, Marta-wana iseriðrereny rare. Juhū Marie Jesuisi-wana raremyhÿu, tii Jesuisiwa

tyre-ò tarinalñyrehékỹõ ritxiwire, idi tahe tarade-di rirubudỹñyre. <sup>3</sup>Lazaru ibinamy roimyhỹki tahe tiiboho riteònyre Jesuisi-ò rarybekremy: —Wahĩ, abiòwa tyhy binanihikỹmy roireri. <sup>4</sup>Jesuisi kiamy roholareu rarybere: —Kabinana hãwã Deuxu wowydynamy tamy nade. Tule riwawowydynkemy jiarỹ dori Deuxu Riòre rare. Kabinina tahe rubuhyymy aõkõ tamy rỹike. <sup>5</sup>Jesuisi heka ibutumy iluurenre, Marta, Marie, Lazaru-wana. <sup>6</sup>Iu Jesuisi rieryreu Lazaru webinaduna, tahe taile ratximyhỹre, rerihãrele inatxitxumy. <sup>7</sup>Iribi tahe rarybere taerydỹña mahãdu-ò: —Ròkòirenyke ixyby Judeia bede-ò. <sup>8</sup>Tahe ierydỹña mahãdu tamy rarybere: —Erydỹñdu aõherekibo ixybynomy tamy tarybeteri judeu mahãdu adi heka riwisỹnny rỹimyhỹ mana-di arubudỹñmy. <sup>9</sup>Jesuisi dirawyònyde: —Txu heka waòinatxi òra bededỹñnanamy rare. Aõhe inatyhy. Inyõ txumy rariakeki, tui aõ òraru-ki reseòtyhy loosònamy dori ibutumy robimyhỹre. <sup>10</sup>Bede lurumy rariakeki tahe, aõ òraru-ki reseke, loosòna dori ihoòreki wahe. <sup>11</sup>Tahe ijõmy Jesuisi tamyreny rarybere: —Iny biòwareny ròrõmy roireri. Tamy arakre ariixixanykremy. <sup>12</sup>Tahe imahãdu rarybere: —Wanyrỹ tii ròrõmy roireri-wana bohe, reytekre. <sup>13</sup>Jesuisi heka rarybemyhỹ Lazaru rubumy roirerimy. Tiiboho tahe ròhòninnyreny urile ròrõmy roirerimy. <sup>14</sup>Tahe Jesuisi ritỹnnytyhyra tamyreny: —Lazaru rurure. <sup>15</sup>Jiarỹ wa aòrarurenny-ki wadeysamy watxireri tai watxiòraki. Ka tahe biwatyhynybenykre. Ròkòirenykre tamy. <sup>16</sup>Tome ierydỹña mahãduò rare. Didimomy iniòre. Tamahãduò rarybere: —Ròkòirenyke, tule tii-wana rukururennykremy. <sup>17</sup>Jesuisi rehemynyreu, Lazaru inaubiòwatxumy hãloo iwòdỹñwo-ki roimyhỹ. <sup>18</sup>Betỹnia Jerusalẽ hãwã-ribi sohoji urihixinamy roire. <sup>19</sup>Judeu mahãduy-ribi sòwemy doidenyde Marta Marieboho wotòdenamy, iseriòrenny rurureki. <sup>20</sup>Marta Jesuisi kanakre rieryreu, tahe ròhònyre tii-wana witxi reakemy. Marie tahe tahetokile ronmyhỹ. <sup>21</sup>Tahe Jesuisi-ò Marta rarybere: —Wahĩ, kakile atxiberi-wana waseritxòre rurukòhykyra ikuny. <sup>22</sup>Ihãrele tahe rekeryre ibutumy Deuxu-kò bexitònykeki, tiki adeke kidiwahinykre. <sup>23</sup>Jesuisi tahe tamy rarybere: —Aseriòre wa rubu-ribi kedexixakre. <sup>24</sup>Tahe Marta rarybere: —Rekeryre jikarỹ ikokunanatxu-ku rubu-ribi rexixakre, ibutumy ixixanatxu-ku. <sup>25</sup>Jesuisi rarybere: —Jiarỹ waixixanadỹñdu rare, umytuèdeõna wahidỹñdu rare. Inyõ riwatyhynykeki, tii rubu-ki roire hãrele, kedexixakre. <sup>26</sup>Ibutumy irumy roirekeki, tui rururennyòtyhy, tii dori riwatyhynyreki. Kai aõbohe kia tetyhnyteri. <sup>27</sup>Tii dirawyònyde: —Kohe, Wahĩ, aratyhynywãhãre. Kai Kristu tate, Deuxu ritxòretyhy. Deuxu tuu rarybereki, bede-kò kanatekònyde wahe. <sup>28</sup>Tahe Marta ròdsere Marie taseriòre-ò rarybere: —Inyhĩ rehemynyre, kai makremy rarybereri. <sup>29</sup>Kiamy roholareu, tahe, wylemy rỹimy reare tamy rare. <sup>30</sup>Jesuisi dori hãwã-ò ralòòlemy raremyhỹ Marta tamy raryberekile raremyhỹ. <sup>31</sup>Tii rỹimy ròhònyreu, judeu mahãdu tuu robire. Tahe riheludunyre, wabede-ò robukremy raresỹny tamy roholare. <sup>32</sup>Marie rehemynyre Jesuisi-ò. Tahe tii tuu robireu, resere iko-ò, tahe rarybere: —Wahĩ, kaki atxiberi-wana ikuny waseritxòre rurukòhykyra. <sup>33</sup>Jesuisi Marta ibru-di

tule judeu mahāduhi-di retehereu tule tii rabedewonihikÿre. <sup>34</sup>Iule Jesuisi rÿÿraxire: —Titxiwexe tii tetiditenyte. Tiiboho rirawyðnyre: —Wanyrÿ, manake itxeremy. <sup>35</sup>Jesuisi tahe rahinyre. <sup>36</sup>Tai tahe judeu mahāduõ rarybere: —Betehebenyke sōwemy heka tii Lazaru luure. <sup>37</sup>Ijõ tahe rarybere: —Tii iny ruetað riteytenyre. Aõherekibo Lazaru irumy ratxireriule riteytenyõra.

<sup>38</sup>Jesuisi ixyby tawo-ki bederiõtiniyre. Tahe rariamy rare wabede-ð Lazaru suiwodÿÿwo-ð roire. Mana-di tahe ritxiotðbðnyre. <sup>39</sup>Tahe Jesuisi rarybere: —Mana bitake Marta tahe iseriðre rarybere: —Wahĩ, rarõnyreri wahe inakubikõwa txumy dokuri txuu idi rÿira. <sup>40</sup>Tahe Jesuisi rarybere: —Rarybere taheka, bityhynykeki, Deuxu rurumy bobike. <sup>41</sup>Tahe mana iribi ritarenyre. Jesuisi retehere biu-ð rexitðenyre: —Umy realãmy wahe watxireri kai wadee taholataki. <sup>42</sup>Wadee taholahy atxiteri mahãte: —Kia reeryre, kata insõwehekÿ õraru-ki kiamy rarybera adee, tai tiiboho rityhynyrenykemy wahe, kai tiwateõnyteki. <sup>43</sup>Kia rexihureu tahe rryre: —Lazaru, bodohonyke wa ahana-ð. <sup>44</sup>Kia rurumy roimyhÿ-ribi tahe dõhõnyde. Iwa heka tebõ-wana widee ritÿtenylemy roimyhÿ. Irati tahe tyybese-di ritÿtenymy ihÿmyhÿ. Jesuisi rarybere: —Biesebenyke wa ixinamy rake.

<sup>45</sup>Tahe judeu mahāduy-ribi, Marie Martaboho roraludu mahādu, aõbo Jesuisi riwinyremy robireu tahe, rityhynyre. <sup>46</sup>Ijõ tahe fariseu mahādu-ð roirenyre tamy relyykemy aõbo Jesuisi riwinyremy.

<sup>47</sup>Iribi tahe xiwe wahidÿÿdu wedu, fariseu wedu mahādu-wana heka ywisidÿÿna mahādu ributunyre. Dohodÿÿna mahādu wedu heka imahāduni rare. Tahe inyõ rarybere: —Ka hãbu heka aõwiwihikÿ sōwemy diwinymyhÿde. Aõhebo he rokotÿÿnyrenykre. <sup>48</sup>Tiihyyle riwinymy rarekeki, heka ibutumy rityhynykre. Idi tahe Roma hãwã mahādu soldadu kanakre iny riõlõdÿÿnyke insÿ rahurenkyre. <sup>49-50</sup>Kaifa imahāduõ rare. Kabeõrau tahe tii ibutu xiwena wahidÿÿdu wedu rare. Tahe tii rarybere: —Kaiboho aõ teeryõhytyente. Hãbuõ tahe rurukre ibutu inydee. Tai tahe ibutu iny itueõtyhy. <sup>51</sup>Kia heka irayky-ribi aõkõ rõhõnyre. Deuxu irayky-ð ritidire, tii dori xiwena wedu tyhy rare kabeõrau. <sup>52</sup>Kiamy rarybereu, tahe Jesuisi rubunamy rarybereri. Jesuisi dori ibutumy judeu mahādu dee rurukre. Tamy sohojile aõkõ rurukre. Tahe sohoji mahāduõle rabutukre Deuxu riðre bede bedemy rÿira mahādu wahe. <sup>53</sup>Itxuule tahe Jesuisi rubudÿÿmy rõhõtiniyre.

<sup>54</sup>Tai tahe ihãwã-ki rariaõre, Judeia mahāduy-ki. Tahe iribi rexitare bederahy-ð iðhõmy. Hãwã-ð heka rare, Efraĩ heka inire. Taile taery mahādu-wana ihÿmyhÿ. <sup>55</sup>Judeu mahādu worana bedehesi iðhõmy rÿimyhÿ Pascoa heka inire. Ritelenykõule heka sōwemy roirenyre Jerusalẽ hãwã-ð, tai rexiwinyrenykemy iwese bede ywina rarybere wese Pascoakomy wahe. <sup>56</sup>Sōwemy iny Jesuisimy robikemy rÿimyhÿ. Tahe Deuxu dohodÿÿna hetowo-ki widee rarybemyhÿre tahe rarybere: —Kanakre aõbo Jesuisi worana bedehesi-ð. <sup>57</sup>Xiwena wedu fariseu-wana juhuu inyõ rarybemahãre: —Inyõ Jesuisimy robikeki, tuu wadeereny kanarybekre, tii ramykremy wahe.

**12** <sup>1</sup>Jesuisi rare Betÿnia hãwã-ò Pascoa worana bedehesi rÿikrekoki. Debòsohoji txumy rauhenymy rÿimyhÿ tamy. Tai heka Lazaru rasÿnymyhÿre rubu-ribi rexixare-ribi wahe. <sup>2</sup>Martaboho tahe rÿsÿna wiuatàna riwinyrenyre Jesuisideewina. Lazaru Jesuisi-wana riroxikremy ronymyhÿ. Tahe Marta tamyreny rÿsÿna riwymyhÿ. <sup>3</sup>Marie tahe sówemy aderòna lÿnyre-di ratximyhÿ, iòwyhykÿre heka. Tahe tii Jesuisi watyre ritxiwire idi tahe taradedile risuhore. Heto tahe tÿnyrehekÿlemy roire. <sup>4</sup>Judasi Isariò tule Jesuisi erydÿÿnaò rare tii tai ratximyhÿ. Tii Jesuisi rityhenykremy tii raremyhÿ ihewo-ribi. Tii tahe rarybere: <sup>5</sup>—Kaa aderòna heka iòwyhykÿ rare. Aòherékibo idi tahonyòte nieru idi bitakemy iny aòkò mahãdu-ò nieru biwahinykemy. <sup>6</sup>(Judasi heka iny aòkò mahãdu luu aòkò rare. Erydÿÿna mahãdu nieru rubudÿÿdu tii rare. Kia nieruò tahe ixideele ritosinymyhÿre. Tai tahe aderòna òwy ixidee ributunykemy idi ratximyhÿ). <sup>7</sup>Tahe Jesuisi rarybere: —Ixinamy wawatyre ritxiwike, wahãloo-ò waherina heka riryrymy tuu ritxiwireri. <sup>8</sup>Kaiboho heka aóu biwiòhenanymy ahãbenyke iny aòkò mahãdu awanareny dori rarehymy rarekre. Jiarÿ tahe kaki aratxihyke aòkò rare.

<sup>9</sup>Judeu mahãdu Jesuisi rehemynyreriò roholare. Tahe sówemy iny tamyreny nade itxeremy. Tule Lazaru-ò itxeremy nade rubu-ribi rexixareki. <sup>10</sup>Tai tahe xiwewahidÿÿdu mahãdu wedu tule Lazaru rubudÿÿmy rarybere. <sup>11</sup>Lazaru òraru-ki dori sówemy judeu wedu Jesuisi rityhnyre.

<sup>12</sup>Itxubiòwau tahe Jesuisi nade Jerusalê-ò kia-ò tahe roholare ibutumy worana bedehesi ludu mahãdu. <sup>13</sup>Tai tahe roirenyre tii-wana witxi reakemy horeru riwyre ityre-di kanakre. Ryryrenyre Jesuisi-ò: —Waiòlòreny, kai arawowydynyreri, kai bededòbydÿÿdu tateki! Kai Deuxuni-di tateri. Kai judeu iòlòtyhy Tate. <sup>14</sup>Jesuisi nade jumenta riòre tyre-ki, tuu dori ihetxina tyriti-ki roire wesemy. <sup>15</sup>Kiamy wahe roire: —Judeu riòre mahãdu uritere brebuòmy atximahãbeny aiòlòreny dori kanakre jumenta riòre tyre-ki.

<sup>16</sup>Iery mahãdu kia rieryòhyre juhúu. <sup>17</sup>Iribi tahe tòhòti itxi reare ritidÿÿna hetxina-ki roiremy, Jesuisi biu-txi ròðsemy rareu wahe tòhòtirenny itxi reare. Tule sówemy iaòmydÿÿnana rybe hetxina-ki riritinymy rÿimyhÿre. Kia-di tahe idi tòhòtirenny reare. <sup>18</sup>Inyò itxeredu heka Lazaru ixixanamy relyyre. Tai tule iny sówemy doidenyde. Kia Jesuisi riwinyreò heka roholarennyre. <sup>19</sup>Tai tahe fariseu mahãdu widee raryberenyre: —Ibutumy ihemy roirenyre. Timyòre, aòhe heka rikisÿnyrennyòtyhy.

<sup>20</sup>Inyò worana bedehesi-ki grego rybedu mahãduò ratximyhÿ. Tii tai Deuxu reàlákemy ratximyhÿ. Tii Besaida hãwã ludu-ò Kalileia bede luduò ratximyhÿ. <sup>21</sup>Tahe grego rybe mahãdu tamy rarybere: —Wanyrÿ, jiarÿboho, Jesuisimy arobikemy watxirennyre. <sup>22</sup>Filipi tahe Andre-ko relyyre. Ta wiwana roirenyre Jesuisi-ò. <sup>23</sup>Jesuisi rarybere: —Aòkòra, Wabededÿÿnana iòhòra Deuxu Riòre Hãbutyhyhykÿ rubuna-ò, wahe. <sup>24</sup>Inatyhymy adeereny ararybekre: —Jiarÿ alòbòròna rijuxunymyhÿre wesemy aresekre suò, arurukremy. Aruruòkeki



ixiwanahyyle ararekre. Arurukre-wana sōwemy araratynykre. <sup>25</sup>Inyō ixiluukeki heka, ruruke. Kabede-ki tahe ixiluuōkeki, tii rexiywiny my umytuedeōna-ò ratxike. <sup>26</sup>Inyō wadeòdumy ratximyh̄ykeki, tii riwaheludunyke. Tai titxibo aratxikeò tii wawana ratximyh̄yke. Inyō wadeòdumy rareke-wana, tii Waha riwowydynykre.

<sup>27</sup>Katahe wabedewonihik̄my watxireri. Timybo ararybekre, Waha, kia rubu aōmyd̄ȳnana-ribi biwatake. My òsana arexitòenykre. Aōkōre, kiaòle heka kabede-ò anade. <sup>28</sup>Waha, anityhy-ò iny riwowydynykemy watxireri. Iule tahe rybe-ò roholarenyre: —Kia rot̄ȳnyre ih̄are ta ixityre tuu rot̄ȳnykre. <sup>29</sup>Tahe iny sōwehek̄y kia rybe-ò roholare. Tahe rarybere: —Biumytxyle rare. Tahe ijō rarybere. Aōkōre ȳju rare. <sup>30</sup>Tahe Jesuisi rarybere: —Wad̄raru-ki aōkō kia rybe r̄yireri, aōrarureny-ki, tamy bohohabenykemy. <sup>31</sup>Wiji tahe ywisid̄ȳna k̄nyikre, bedemy iny r̄yira mah̄adu-ò. Kia mah̄adu iòlò, Satanasi, kanahitxid̄ȳyke. <sup>32</sup>Iu jiar̄y itxe-ò-ki riwaukokreu, ibutumy iny heka ixidee adiwiutad̄anykre riwatyhynykemy. <sup>33</sup>Iu tii kia rarybereu, tarubuna rit̄ynnyre timybo rurukre. <sup>34</sup>Iny sōwehek̄y dirawyònyde: —Jiar̄yboho raholarenyre bede ywina-ò. Tii rarybere: —Tiiemy Kristu rarehyymy rarekre. Timybo kai tarybeteri: —Biwaukokremy. Mobo tahe Deuxu Riòre H̄abutyhyhyk̄my tuu tarybeteri. <sup>35</sup>Tahe Jesuisi dirawyònyde: —Urihimyòle loosòna awana rariamy ratxireri. Idi atxiteriule idi mariake, bede luru atxi kanakelau. Inyō bede luruki rariakeki, tiobo rake rieryōhyyre. <sup>36</sup>Waloosòna atxiteriule, biwatyhynyke waloosònamy, taile waloosòna mah̄aduomy boibeke. Kiarybe rahu-di tahe Jesuisi iribi rexitamy rexiwore. <sup>37</sup>Tii sōwemy bedeòtiid̄ȳna ikoreny-txi riwinyre. Ih̄arele tahe sōwemy rityhynyōre. <sup>38</sup>Kia tahe Isaia tyryiti-ki roire, tahe iwesele tuu rarybere wese wiji r̄yira rot̄ȳnyre: —Wanyr̄y, Iny rybe t̄nyd̄ȳnareny tiiboho rityhynyōhyyre, Deuxu taruru tamy riteòsinyreh̄arele rityhynyōre.

<sup>39</sup>Tai rityhynyōhyyre. Isaia, Deuxu rybedu ijōmy ròritid̄ȳre:

<sup>40</sup>—Deuxu riruet̄anyre, irayky ritered̄ȳnyre. Tai rieryōhyymy robiōhyymyh̄yre. Tiu heka Deuxu rityhynyōhyyre. Tiu riteytenyōhyyre.

<sup>41</sup>Isaia Jesuisi loosònamy robire. Tai tahe tuu ròritid̄ȳre. <sup>42</sup>Ih̄arele tahe dohod̄ȳna mah̄adu wedule sōwemy rityhynyre. Urile fariseu mah̄adu òrarukile, ijō-ò tuu rarybe-òre, dohod̄ȳna mah̄aduy-ribi riòlòd̄ȳnyheny.

<sup>43</sup>Tiiboho dori Deuxu wowydyna luurenyōre inywowydynale luurenyre.

<sup>44</sup>—Iny riwatyhynymyh̄ykeki, wadeòd̄ȳdule rityhynymyh̄yre. <sup>45</sup>Inyō wamy robikeki, iule wadeòd̄ȳdumy robike. <sup>46</sup>Jiar̄y loosòna wesemy anade bede-ò. Tai tahe iny riwatyhynykeki, bede luru ribi ròhònyke. Tai heka anade. <sup>47</sup>Inyō warybe-ò roholake h̄arele riwinyōkeki, tahe jiar̄y tii wiji ariwid̄ȳnyōke. Jiar̄y dori tarasaduhyylemy anade. <sup>48</sup>Inyō riwatyhynyōkeki, warybe-ò roholaōkeki, ikonana txuu tahe ywisid̄ȳna-ò ralòke, warybe-ò rityhynyōmyhyreki aōhōk̄my d̄ȳnana-ò heka kia ralokre. <sup>49</sup>Jiar̄y ixi rayky-ribi aōkō rarybemah̄are. Wahale rybe wadee riwahinymyh̄yre. Kia wesele relymah̄are. <sup>50</sup>Deuxu rybe bede ywina-di diwateònyde umytuedeōna wahid̄ȳna kia rare. Kiale heka reeryre.

**13** <sup>1-3</sup>Pascoa worana bedehesi txumy txuu rỹire. Tahe Jesuisi rexieryre ixyby tyby-ò ròðsekremy ihỹre, ibededỹynana iòhòmy roireki. Tule rexieryre tyby ibutumy tamy riwahinyremy. Tii tyby-ribi nade tule ixybyle tamy rakemy. Txioro roxinau Jesuisi taerydỹyna mahãdu-wana riroximyhỹreny. Judasi Isariò (Simaõ riòre) taile ratximyhỹ. Juhuu diabo tamy rarybere iruule Jesuisi rityhenykemy. <sup>4</sup>Jesuisi sòwemy taerydỹyna mahãdu luure. Tai tahe rỹire, tatytyre ludu ritare òsuròna rimyre, idi rexiwetyataare. <sup>5</sup>Hynaro-ò bee ritxiwire taerydỹyna mahãduwaa risuhokremy tahe òsuròna-di tawetya-ki ihỹmyhỹ-di iwa rirubudỹynre. <sup>6</sup>Tahe Jesuisi rehemynre Simaõ Pedro-ò, Pedro rarybere: —Aòkòre kai wawareny suròðòomyke. <sup>7</sup>Jesuisi rirawyònyre: —Kai heka teeryòte aòherekibo resuhòreri. Ihewo-ribi tahe bierykre. <sup>8</sup>Pedro rarybere: —Aòkòre, wawasuròðòdỹyòmy. Jesuisi rirawyònyre: —Arisuhòòkeki wawanahyy aòkò mabeke. <sup>9</sup>Pedro rarybere: —Wawasohojile aòkò bisuhokre, wadebò warati-wana tule wahe. <sup>10</sup>Tahe ritỹnynre Jesuisi; inyò ròhòre-wana iwale rasuhòke. Iuhe ibutumy tyralemy rỹimyhỹre. Kaiboho yralemy toite. Sohoji tahe aòkòre. <sup>11</sup>Jesuisi tatyhedỹydu rayky rierymyhỹre. Tai tahe rarybera, ibutumy aòkò tyraremy.

<sup>12</sup>Jesuisi iwasuròðò rexihureu, tatytyre ludu retyynra roxina-ò ròðsere. Tamyreny rỹyraxire: —Kaiboho teerytenyte. Aòhebo jiarỹ kia ratỹynra. <sup>13</sup>Adeereny aritỹnynkre. Kaiboho tiwaninitenyte anyrỹmy, aòhe inatyhy? Aerydỹydumy, inatyhy heka jiarỹ rare tahe òbitimy tarybetenyte. <sup>14</sup>Jiarỹ aerydỹydureny anyrỹreny heka awareny resuhore. Tai tahe kaiboho wiwa bisuhòbenykre. <sup>15</sup>Iwese jiarỹ rexideòsinyre wese kaiboho biwinybenyke. <sup>16</sup>Inatyhymy adeereny ararybekre. Deòdu dori tawedu ratyre aòkò rare. Rybe-ò ijohonadu dori rybedutyhy ratyre aòkò rare. <sup>17</sup>Kia warybe teerytenyte. Tahe biwinybenykeki bedèòbynatyhy adeereny kanakre. <sup>18</sup>Ibutumy umyreny aòkò rarybereri jiarỹ araeryreny, aratarenyrekì, wahe. Rybe tyyriti-ki roire kiamy: —Kia wawana riroximyhỹrele heka riwatyhenykre. Ele elemy tuu rotỹynkre.

<sup>19</sup>Wiji rarybereri heka wylemy kia tuu rotỹynkre. Tuu rotỹynkreule, kaiboho bierybenykre òbitimy raryberé wahe; jiarỹ biwatyhinybenykemy wahe. <sup>20</sup>Inatyhytyhymy ararybekre: —Inyò adee aditeònykre. Inyò tii rityhynmy kididykeki, tii riwadymyhỹre. Inyò kidiwadykeki wadeòdỹydu ridymyhỹre, Deuxu rityhynmyhỹre wahe.

<sup>21</sup>Tahe Jesuisi rabedewonihikỹmy rononymhỹ. Tahe rarybera: —Iny sohojiò ayreny-ribi riwatyhenykre. <sup>22</sup>Tahe wii rijerijereny. Mokobo rarekremy ròhòtinyreny. <sup>23</sup>Jiarỹ, Joaõ Jesuisi weribi ranywỹhỹ, tii dori sòwemy waluure. <sup>24</sup>Tahe Pedro wadee narybewasidi: —Tamy inihe myỹraxike mobo raremy. <sup>25</sup>Tahe jiarỹ retorunre: —Wanyrỹ, mowexe ratxireri. <sup>26</sup>Jesuisi rarybere wadee: —Kia orotxu ituudỹy tamy ariwahinykrele tiikre. Tahe Jesuisi orotxu yre rituunre idi tahe Judasi Isariò-ò riwahinyre. Tii Simaõ riòre rare. <sup>27</sup>Tahe Judasi riyre. Iribi tahe Satanasi aòwesele tamy ralore. Jesuisi heka Judasi-ò rarybere: —Aòhebo botỹynkre wylemy makre biwinykremy. <sup>28</sup>Tahe riroximy rỹimyhỹ

mahãdu rieryõre aõmybo Jesuisi rarybemyhỹ. <sup>29</sup>Judasi Isariò dori nieru hyna yrubudỹydu heka rare. Tai tahe röhõtinyrenyre Jesuisi worana bedehesi aõna aõna riwykemy riteðnyre, ada iny aokõdu mahãdu-ò nieruõ riwahinykemy.

<sup>30</sup>Judasi orotxu yre riymy rahudi tahe röhõnymy rare bede luru-txi.

<sup>31</sup>Judasi röhõnymy rahudi tahe Jesuisi rarybere: —Wiji tahe Deuxu Riòre Hãbutyhyhykỹ loosõnamy iny robimyhỹre taraykywo-ki. Tii heka jiarỹ rare. Deuxu-ò waðraru-ki wowydyna riwahinykre.

<sup>32</sup>Deuxu loosõnamy tahe waki iny robikeki, Deuxu riwatoosõnyreri aõwesele ibutumy iny tuu robike. <sup>33</sup>Waluudu mahãdu wariòre wesemy atximahãtenynte, umywanareny urihimyòle arakre, idi tahe arakre. Tahe biwaijebenyhãrele waki mahabenyõtityhy. Iwese judeu mahãdu-ò rarybere wesele adeereny ararybekre: —Titxibo arakre-ò kaiboho boibenyõke. <sup>34</sup>Bede ywina tỹmyra wese adeereny ariwahinykre kiamy wahe: —Wiluurenykemy wahe: —Iwese jiarỹ aluurenyre wese tule kaiboho wiluurenyke. <sup>35</sup>Wiluurenykeki ibutumy iny rieryrenykre kai waerydỹyna mahãdumy tate.

<sup>36</sup>Tahe Simaõ Pedro ritỹyraxinyre: —Wanyrỹ, titxibo kai makre. Jesuisi dirawyõnyde: —Titxibo arakre-ò wiji kaiboho boibenyõke, iribi tahe wahemy bodoikre. <sup>37</sup>Tahe Pedro rarybere: —Wanyrỹ aõherekibo araõkre wiji ahemy waumy kie aõraru-ki ariwahinykemy watxireri.

<sup>38</sup>Inatyhymy aõbo aumy biwahinykre waðraru-ki. Inatyhytyhymy ararybekre: —Hãnie hãbu robukõule kai biwatxiõnykre inataõmy.

**14** <sup>1</sup>Kaiboho bededõtĩdỹyrenyõmyke bedewona-ki. Kaiboho Deuxu tetyhynytenynte, tai tahe biwatyhinykre. <sup>2</sup>Wahasỹ-ki sõwemy sỹy rỹimyhỹre kialemyre heka tai. Kaweseõkeki adee inatyhymy rarybemahãre. Jiarỹ tahe arakre sỹy adeereny ariwinykemy. <sup>3</sup>Ariwinymy arahudi tahe ixbyble aõrysmy adòðsekre. Tahe aradyrenykre titxibo-txi aratxireriò kaiboho tule matxibenykre. <sup>4</sup>Kaiboho dori teerytenynte titxibo wasỹry roire. <sup>5</sup>Tahe Tome rarybere tamy: —Wanyrỹ, titxibo makreð reerykõreny. Tai tahe timykibo asỹry reeryrenykre. <sup>6</sup>Jesuisi dirawyõnyde: —Jiarỹ wa ryy rare. Deuxu inatyhyna jiarỹ rare. Umytuedeõna wahidỹydu jiarỹ rare. Inyõ waðrarukile Waha dee rakre. <sup>7</sup>Kaiboho tiwaerytenynte-wana tule Waha teerytenynte. Wiji tyhyule Deuxu teerytenynte, tuu tabitenynte. <sup>8</sup>Idi Filipi rarybere: —Wanyrỹ, boo inydee biteðsinyke, tai tahe awike. <sup>9</sup>Tahe Jesuisi rarybere: —Filipi, sõwemy bededỹynana umy-wana rewyre. Ihãrele tahe tiwaeryõte. Inyõ wadee kanakeki, Wahamy robike. Aõherekibo wadee tarybeta boo wadee biteðsinykemy. <sup>10</sup>Jiarỹ Waha-ki watxiwãhãre tule Waha waki ihỹre. Kia aõbohe tetyhynyõte rarybewãhãre, kia iximy aõkõ rarybewãhãre. Waha waki ratximyhy tii taõmydỹynanamy rotỹnyre waumy-ribi. <sup>11</sup>Waha-ki watxiwãhãre, tule tii waki ihỹre, kia bityhynybenyke. Aõwiwihikỹ rewinywãhãre òraru-ki biwatyhynybenyke. <sup>12</sup>Inatyhytyhymy adee ararybekre: —Inyõ riwatyhinykeki, wawesele aõwiwihikỹ riwinykre. Tahe watyreleaõ riwinykre. Jiarỹ dori Waha-ò arakre. <sup>13</sup>Tai wanimy aõmy

bexitòenybenykeki, tii tahe ariwinykre. Iny Waha-ò wowodyna riwahinykemy idi watzireri, iRiòre wahe jiarỹ rare. <sup>14</sup>Tai aõma wani-ò bexitòenybenykeki, tii tahe riwinykreadeereny. <sup>15</sup>Inyõ waluukeki tii wabede ywina riywinytyhyke. <sup>16</sup>Waha-ò arexitòenykre ijõ wiðhedỹỹdu adeereny kiditeònykremy waderòwmy. Tii aõu aõu adeereny hyule rarekre. <sup>17</sup>Tii Deuxu Tyytybytyhy rare. Tii inatyhynamy rieryrenyre, iny bede bede mahãdu wahe. Deuxu Tyytybytyhy ixidee ridykemy. Tuu dori robiõtyhy rieryõtyhy. Kaiboho tahe teertyenyte. Tii dori umywanareny ratximyhỹre, aworeny-ki ratxikremy. <sup>18</sup>Jiarỹ heka ixisohojimy ararisidỹnyõtyhy. Jiarỹle adee adoosekre. <sup>19</sup>Wijile arurumy arakre bede-ribi. Bede bede mahãdu tiu wamy robiõtyhy. Kaiboho tahe wamy bobilebenykre, jiarỹ dori ixityre rubu-ribi adexixamy ararekre. Tai tahe tule kaiboho rubu-ribi bexixamy boibekre. <sup>20</sup>Kia txuu kaiboho bierybenykre jiarỹ heka Waha-ki watxiwãhãremy. Kaiboho tasỹ waki ahãtenynte. Jiarỹ tule akireny watxiwãhãre. <sup>21</sup>Inyõ wabede ywinareny dikeki tahe, riywinykeki, waluudu rare. Waha tule iluukre. Jiarỹ tule iluutyhyre. Tamy tule arexideòsinykre. <sup>22</sup>Judasi tamy rarybere: (aõ Isariò aõkõ kỹny, iwitxiraõ.) —Wanyrỹ, aõhekremybo wadeereny bedexideòsinykre tahe bede bede ludu mahãdu-ò aõkõ wahe. <sup>23</sup>Jesuisi rarybere: —Inyõ waluukeki, wabede ywina riywinytyhyke. Waha, heka iluutyhykre. Jiarỹboho tamy adoidenykre tamysỹmy. <sup>24</sup>Iny waluuõkeki, warybe tiu rityhynyõtyhy. Aõ warybe-di aõkõ heka rarybereri. Waha wadee riwahinyredi heka rarybereri.

<sup>25</sup>Tai arakrekoki tuu rarybereri adeereny. <sup>26</sup>Tahe Deuxu Tyytybytyhy, awiðhedỹỹdu, tii araerynanykre ibutumy aõna aõnamy. Timybo jiarỹ adeereny raryberemy akananohõtiijaranydenykre. <sup>27</sup>Ywina adeereny adiwahinykre waywina wahe. Iwese bede bede ludu mahãdu riwahinyhỹre wese aõkõ ariwahinykre. Uritere nohõtiyreõmy brebuõmy. <sup>28</sup>Rarybere dori arakremy tule adoosekremy. Waha waratyre rare. Tamy he arakre. Kaiboho waluukeki, beysabenykre tamy arakreu. <sup>29</sup>Kaa bede reakoki tuu rarybereri. Tuu reakreu tahe, kaiboho biwatyhynybenykre. <sup>30</sup>Sõwemy heka adeereny ararybeõkre, bede dinodu dori tehemyysỹ iòhòmy ihỹre, Satanasi wahe. Tii heka wadee iruruõhyyre, riwateònyõtyhy. <sup>31</sup>Jiarỹ Waha luure. Rewinywãhãre aõbo Waha ariwinykemy riwateranymyhỹre. Botamanyke: —Ròkòirenyke.

**15** <sup>1</sup>Hãjutò òwòna wese wihikỹ jiarỹ rare. Waha tahe bede rade wysydỹỹdu wese rare. Bede òbebure iratyõkeki iò riòròke. Iratydikeki iòsòmo iribi risihere. Tai tahe sòwetyhymy nihikỹmy raratyntyke. <sup>2</sup>Kaiboho bede rade-ò wesemy toite. Warybe-di aòsòmoreny aribireny resihemahãre. Katahe òbitimy toite bederatyntyke. <sup>3-4</sup>Kaiboho biwamymy wadi myikre. Iwese bede radeõ raòròomyhỹkeki irulemy rỹikre raratyntyke. Aõkõkeki ruruke. Kaiboho iwesele toite. Waki beàrenyõbenymyhỹkeki, tiu Deuxudeewimy atxibenyõtyhy. <sup>5</sup>Jiarỹ hãjutò òwòna wese rare. Kaiboho ibede radeò wese toite. Waki beerenybenykeki, jiarỹ aki ararike, tai bederaty wese sòwemy maratynyke. Wahoõkeki tiu aõ biwinybenyõtyhy. <sup>6</sup>Inyõ waki rariõkeki,

iwese iny bede rade rubu-di rahuleke, tii iwesele inyõ rahukre. Juhuu rimyre, idi heòty-ò rehure, tai roomyhÿre. <sup>7</sup>Kaiboho waribi boibenyõkeki, warybe õhõti-ribi rosaõtyhykeki, aõtaxina wadee bexitõenybenykre, tai ibutumy adee ariwahinykre. <sup>8</sup>Iwese bede rade sõwemy raratynymyhÿre wese, kaiboho, aõna aõna wiwihikÿ biwinybenyke Deuxu dee. Kiakeki tahe Deuxu deaõlana sõwemy ritakre. <sup>9</sup>Iwese Waha waluure wese jiarÿ aluurenyre waluuna-ribi boibenyõke. <sup>10</sup>Wabede ywina inyõ riywinykeki, tii waluuna-ribi raõtyhy. Iwese Waha bede ywina reywinymyhÿre wese tahe Waha luuna-ribi jiarÿ tiu rahõnyõhyre. <sup>11</sup>Wadeysana awo-ki ratxikemy jiarÿ adi watxireri. Eysana sõwemy mabekemy adi watxiwãhã. Tai tahe warybe adee rarybere. <sup>12</sup>Wabede ywina heka kaa rare: —Wiluukemy. Iwese jiarÿ aluure wese wiluurenykemy. <sup>13</sup>Inyõ taery dee rurukeki taluunadireki, tii luunatyhy ijõdire. <sup>14</sup>Kaiboho wadeewi biwinybenykwana tai inatyhymy wabiõwa toite. <sup>15</sup>Tahe aõ wadeõdumy aõkõhe araninirenykre. Kaiboho wabiõwa toite jiarÿ dori Waha-ribi raholare adee tuu relyywãhãre. <sup>16</sup>Kaiboho tahe tiwatatenyõhyte, jiarÿ tahe aratarenyre kaiboho boibenykemy. Sõwemy aõna aõna wiwihikÿ botÿÿnybenyke. Tule kia aõna aõnamy tule roihykyemy. Tai tahe aõmy Waha-ribi wani-di bexitõenybenykeki, adee riwahinyhy rareke. <sup>17</sup>Wiluubenyke: —Kia tahe wabede ywina adeereny adiwahinyde. <sup>18</sup>Bede ludu iny mahãdu eramy reakeki myÿ uritere nohõtiõmy juhuu dori waderamy waluuõre. <sup>19</sup>Kai bede ludu iny tate-wana iny aluuke, tahe aõkõre. Tai tahe iny eramy reamyhÿre. Bede ludu mahãdu ribi jiarÿ aratara. Bede ludu mahãdu aõkõ tate urenana. <sup>20</sup>Adee heka rarybere aõmybo. Uritere iribi nohõti lusaõmy kia wahe: —Deõdu tawedu ratyre aõkõ rare. Tai wadee aõbina binamy iny rotÿÿnymyhÿre. Adeereny tule aõmy rotÿÿnykremy wahe. Tiiboho warybe riywinyrenykeki, arybe tule tiiboho riywinyrenykre. <sup>21</sup>Kia tahe adee ratÿÿnymyhÿre wanimy rybe õraru-ki, tiiboho dori wadeõdÿÿna rieryõreki. <sup>22</sup>Tuu ararybeõre wana inihe tiiboho õrarudiõhyrenyre. Katahe rarybere tai tahe tiiboho rarybeõtyhy rieryõremy. <sup>23</sup>Inyõ waluuõkeki, tule Waha luuõtyhy. <sup>24</sup>Jiarÿ heka ibutuko-ò wowydyna iitxerenarenymy rewinyõrewana, tiiboho iõrarudiõhyre inihe. Tahe rewinyamahãre, tuu robimyhÿrenyre, ihãrele tahe waluuõre tule Waha luuõre. <sup>25</sup>Kiamy heka rotÿÿnyre bede ywina ritidÿÿna-ki roireki. Tai heka tuu rotÿÿnymyhÿre. Kiamy wahe ritidÿÿna-ki roire:

—Tii heka bede õraru aõkõ rare, ihãrele tahe iluuõrenyre.

<sup>26</sup>Deuxu Tyytybytyhy adee ariteõnykre. Tii, wiõhedÿÿdu rarekre inatyhynamy rierynanykre. Tahe, tii kedehemynykreu wamy rarybekre. <sup>27</sup>Tule kaiboho wamy marybebenykre, wawana hyy ahãtenyteki.

**16** <sup>1</sup>Kiamy adee rarybemahãre õraruna-txi ixeõkemy. <sup>2</sup>Tiiboho heka anatakre tohodÿÿna hetowo-ribi. Kobe, bede dÿÿnana iõhõmy kadeakreu inyõ anarubunykeki, kia Deuxudeewimy tuu konohõtinykre. Tii Deuxu wiõhedÿÿdu raremy xixi-di kõnohõtinykre. <sup>3</sup>Tiiboho Waha rieryõhyymyhÿrenyre tule riwaeryõmyhÿre. Tai tahe kiamy adeereny rotÿÿnymyhÿrenyre. <sup>4</sup>Iu adeereny aõmydÿÿnana kedehemynykreu, õhõtirenny itxi reake timybo adeereny

relyyretxi. Tiu heka tuu rarybeõhyyre, umywanarenhyhy dori wãhãre. <sup>5</sup>Katahe arakre wadeõdỹydu-ò. Kaiboho bãỹraxibenyekẽ aõbo tiobo arakre-ò. <sup>6</sup>Kaiboho heka tabedewomy toite kamy rarybereriki. <sup>7</sup>Ihãrele tahe inatyhymy adeeremy ararybekre: —Adeeremy awikre arakreki wahe. Jiarỹ araõkeki awiõhedỹydu, Deuxu Tyytybytyhy kanaõkre. Arakeki tahe tii aditeõnykre adeeremy. <sup>8</sup>Iu kanakreu, tii inydee kiditeõsinykre irayky binadiremy, iõbitina-di aõkõremy, iõrarunadiremy. Deuxu dori õrarudu riywisidỹnykre. <sup>9</sup>Taõraruna ixidee kiditeõsinykre tiiboho riwatyhynyõrenyriki. <sup>10</sup>Tahe ixidee kiditeõsinykre. Jiarỹ iratyre waõbitina direki. Waha-ò dori arakre, wamy bobibenyõtyhykemy. <sup>11</sup>Deuxu ixiywisidỹyna ixidee kiditeõsinykre kabede dinodu dee rarybere tii rexihukremy. <sup>12</sup>Jiarỹ heka sõwemy adee ararybekemy watxireri, ibutumy tahe isiramy ixidee boholabenyke. <sup>13</sup>Txiõhe rare. Deuxu Tyytybytyhy kanakreu, inatyhymy adeeremy rarybekre inatyhyrna-di ibutumy. Tarybe-di tahe rarybeõkre. Deuxu-ribi aõmybo roholaremy tahe rarybekre. Tule timybo aõna aõna rarekremy kanarybekre. <sup>14</sup>Tii waaõmydỹynana adeeremy ritỹnynykre. Tai kidiwatoosõnanykre. <sup>15</sup>Ibutumy Wahahõrõ heka wahõrõ rare. Tai heka tuu adeeremy rarybereri waaõmydỹynana adeeremy kiditynynykremy. <sup>16</sup>Urihimyõ riõre heka waõkre, idi tahe ixityre wamy bobibenykre. <sup>17</sup>Tahe ijõ ierydỹyna mahãduõ widee rarybere: —Timybo tii rarybere: —Urihimyõ iõkremy tii rarybereri, tule ixiryre wamy bobibenykremy. Tule Waha-ò arakre. Timybo heka riererynyõhyyre aõmybo rarybera. <sup>18-19</sup>Tiiboho Jesuisi-õ rỹỹraxirenykremy ratxirenyreri. Tahe Jesuisi rierymyhỹre tuu rỹỹraxikre. Tahe Jesuisi tamyreny rỹỹraxire: —Kaimy ixidee tỹỹraxitenyteri. Wananamy waõkesenalemy. <sup>20</sup>Inatyhymy adeeremy ararybekre: —Iny bede mahãdu urile reysakre, kaiboho tahe araerynyra urile mahinybenykre, birajuabenykre, mabedewobenykre. Idi tahe kaiboho beysabenykre. <sup>21</sup>Iwese hãwyw ijera iõhõreki, rabadewomyhỹre, taaõhõkỹmydỹynana-di rõhõtinymyhỹre. Idi tahe reamyhỹre. Iu tahe tõhõti rosamyhỹre tohouã tỹmyradile reysamyhỹre. <sup>22</sup>Iwesele kaiboho mabedewobenykre, ixityre wamy bobebenykreu tahe, kaiboho beysabenykre. Inyõ heka deysana aribireny ritaõtyhy. <sup>23</sup>Kiatxu tahe uritere watỹỹraxidỹyõmykre inatyhymy adeeremy rarybereri. Waha-ribi aõmy bexitõenybenyekeki. Tii adeeremy kidiwahinykre wani õraru-ki. <sup>24</sup>Tiu heka aõmy textitõenytenyõmahãte wani-di. Bexitõenybenyke, tai bitabenykre. Tai tahe kaiboho beysabenykre.

<sup>25</sup>Ibutumy rybewõtemy adeeremy rarybewãhãre wahe. Idi tahe tuu adeeremy ararybeõkre. Idi tahe itỹnytyhymy Waha aritỹnynykre adeeremy. <sup>26</sup>Kiatxu tahe bexitõenybenykre wani-di jiarỹ ararybeõkre umyreny Waha-ò. <sup>27</sup>Waha dori aluurenyre, kaiboho waluurenyreki, Deuxu-ribi anade tetyhynytenyteki. <sup>28</sup>Waha-ribi anade, bede-ò adehemnynde ihãrele bede-ribi arakremy Waha-ò. <sup>29</sup>Jesuisi ierydỹyna mahãdu rarybere: —Wiji tahe itỹnytyhymy tarybeteri. Rybewõtẽ-di aõkõ tarybeteri. <sup>30</sup>Kai ibutumy teeryte. Inyõ dỹỹraxiõmy adee. Kai inatyhymy Deuxu-di tanate. Kia jiarỹboho retyhynyreny. <sup>31</sup>Tahe Jesuisi tamy rỹỹraxire. Inatyhymy wijityhyle tetyhynytenyta. <sup>32</sup>Wabededỹynanamy

heka reara. Kaibohoõ sohoji sohojimy tasỹ tasỹ-ò rakre. Biwaribenykre ixi sohojilemy arỹikre. Tahe ixi-wana aõkõ watzikre, Wahawanale arỹikre. <sup>33</sup>Kaheka aõna aõnamy adeereny rarybere ywina-di araykyreny-ki boibekre. Bede-ki kaiboho aõhõkỹmy botỹỹnybenykre. Ihãrele beysabenyke, Jiarỹ heka Deuxu òludu mahãdu-di ròtara.

**17** <sup>1</sup>Jesuisi rarybemy rahudi tahe retehere biu-ò rarybere: —Waha, wabededỹnanamyhe reara. Ariòre watxiwãhãre. Wowydyna wadee biwahinyke tai tahe adee wowydyna adee ariwahinykre. <sup>2</sup>Kai, Waha, ibutumy wadee ruruna tewahinyta iny deòdỹnamy. Tai umytedeõna ariwahinykre biu-ò hedu mahãdu-ò. <sup>3</sup>Kia heka umytedeõna rare: —Deuxu inatyhy tate sohojihy tate. Tii araerynykeki tahe eòdỹña Jesuisi Kristu rierynykeki. Kia umytedeõna rare tamyreny. <sup>4</sup>Aõ aõmysỹdỹnabo wadee tewahinyte, ibutumy adee rewinyre. Tai heka arawowydynyra kabede-ki. <sup>5</sup>Iu bede rexidelenyreu umywanahy rarewãhã. Sõwemy loosõna nihikỹ-di rawãhãre. Tahe wiji, Waha, kia loosõnale ixityre bidiwahinykre umywanahy ararekre. <sup>6</sup>Kai iny mahãduõ wadee tewahinyte bede mahãdu-ribi. Tamyreny umy rarybemahãre. Juhu tiiboho ahõrõ roire. Idi wadee tewahinyte. Tiiboho arybe riywinymyhỹre. <sup>7</sup>Ibutumy waaõmydỹña aribi retamahãre. Kia heka wiji tiiboho rieryrenyra ibutumy aribi nade. <sup>8</sup>Aõrybebo wadee tewahinytamy tamy rarybemahãre. Tiiboho rityhynyrenyre, rieryrenyre aribi jiarỹ anade, kai wateòdỹydu tate. <sup>9</sup>Iòraru-ki adee rexitønyre. Tiiboho amahãdu roire. Wadee tewahinyte, bede mahãdu-ò raru-ki aõkõ adee rexitønyre. <sup>10</sup>Ibutumy wahõrõ, ahõrõ rare. Tule ahõrõ, wahõrõ rare. Tai heka iny mahãdu riwatoosõnanymyhỹre. <sup>11</sup>Jiarỹ adee arakre tai kaki arareòkre. Tiiboho heka kaki rarirenykre. Tiiboho biyrubunykre, Waha, ani òbiti-di biyrubunyke, wadee tewahinyteki. Tai tahe iraykyreny wiwesehy my roirekre. <sup>12</sup>Tiiboho-wana rarewãhãu ani òraru-ki reyribunymahãre, wadee tewahinyteki. Timy heka reõnonyõhyre ijõ, sohojile tahe reõnonyre. Juhuu dori Ritidỹña roire ijõ sohojiò ariõnonykremy. Ihy tahe reõnonyre, Judasi Isariò õnodỹyduhy my rarekre. <sup>13</sup>Ka tahe arakre arora-ò. Tii heka inyõ rarybemahãre ibutumy wadeysana iworeny-ò ralòmhykemy. <sup>14</sup>Jiarỹ arybe tamyreny rewahinymahãre. Bede mahãdu iny dori terarenyre, tiiboho bede mahãdu iny aõkõ roireki. Iwese jiarỹ bede ludu hãbu aõkõ rare wese. <sup>15</sup>Bede-ribi tarasamy aõkõ heka adee rexitønyreri. Urile ibina bina widỹy-ribi biyrubunyky. <sup>16</sup>Tiiboho tahe wiji ijõ bede witzira ludu roire, iwese jiarỹ rare wese, wahe. <sup>17</sup>Arybe-di tiiboho biòbitinyke, tai ahõrõ mahãdumy rarekre. Arybe dori òbitityhy rare. <sup>18</sup>Iwese bede iny-ò tadiwateõnyte wesemy, Jiarỹ tiiboho reteõnyre bede ludu mahãdu-ò rarybekremy. <sup>19</sup>Tamyreny xiwena wesemy adee arexiwahinykre. Òbitihy my ararekre, tai tiiboho òbitihy my roirekremy inatyhyna-di. <sup>20</sup>Aõ tamy sohojile aõkõ heka rexitønyreri. Ibutumy kia rityhynymy rỹirakre-ò dori rexitønyreri. <sup>21</sup>Tai tahe ibutumy wiwese wesemy röhõtinyrenykre. Iwese, Waha, kai waki atxiteri wesemy tule aki watzireri wesemy tiiboho iny-ki roirekre. Tai bede iny mahãdu rityhynykre atedõdỹña watzireri urenana. <sup>22</sup>Kai loosõna

wadee tadiwahinyte, tahe tamyreny rewahinyre. Tiiboho sohojihyy weselemy roirekremy, iwese iny sohojihyy rare wesemy. <sup>23</sup>Jiarỹ taireny wãhãre, kai waki ahãte. Tai tahe inyboho butuhyymy rokoirekre. Wii riõbitinymyhỹrenykre. Tai bedede mahãdu rierykre tadiwateõnyteki. Tule wamahãdu luu tate urenana Waha, iwese waluure wese. <sup>24</sup>Waha, titxibo ararekre, tiiboho wawanahyymy roirekre, wamahãdumy wadee tewahinyteki. Tai tiiboho waloosõnamy robikre. Kai dori bedede ihokõule waluure, tahe loosõna wadee tewahinyte. <sup>25</sup>Waha õbiti, bedede mahãdu araeryõre Jesuisi tahe araeryre. Wamahãdu tule rieryre tadiwateõnyte. <sup>26</sup>Jiarỹ tiiboho reerynanyre ani-di. Ihãre ta arierynanykre. Tai aluuna iwese waki ratxireri wesemy taireny rarekre, tule jiarỹ taireny ararekre.

**18** <sup>1</sup>Jesuisi rexitõenymy rahudi tahe roirenyre taerydỹña mahãdu-wana Cedrõ beãwe-ribi kowa ijã-õ heka reurõrenyre, tahe bederaty oworuro-õ rirõnyrenyre. <sup>2</sup>Judasi heka Jesuisi tyhedỹydu heka ibede rieryre, Jesuisi dori taerydỹña mahãdu-di tamy rahyyymyhỹre. <sup>3</sup>Tahe Judasi, soldado mahãduõ tadinodu-wana ributunyre. Fariseu mahãdu-ribi xiwena wedu wahidỹydu-ribi Judasi soldado yrubudỹydu mahãdu rihitxinyre tule xiwena deõdu mahãduõ rihitxinyre tii-wana rakremy roirenyre. Tahe tamy ritehemynyrenyre tõbõra heõty-wana. <sup>4</sup>Jesuisi rexieryre ibutumy aõmybo tamy kodotỹnykre. Tahe iny mahãdu-õ rexidorunyre. Tahe rỹrãxire tamy: —Mowe tejjetenyteri. <sup>5</sup>Tahe dirawyõnyde: —Jesuisi Nazare hãwã ludu rejjereri. Tahe Jesuisi rarybere: —Jiarỹ wa tile rare. Tahe Judasi ityhedỹydu tii mahãdu wanale nade. <sup>6</sup>Jesuisi tamyreny rarybereu, tahe rexilhõrarienyre iribi, tahe suõle reserenyre. <sup>7</sup>Ixityre Jesuisi tamy rỹrãxire: —Mowe tejjeteri. <sup>8</sup>—Jesuisi Nazare hãwã ludu, tiiboho dirawyõnyde. —Rarybera tahe jiarỹ raremy wahe. Tiwajeteri-wana tahe biwadyke urile ixinamy wajoi rirahuke. <sup>9</sup>Kawesemy wahe irybe hitxina wadee tewahinyteõ heka tiu reõnonyõhyywãhãre. Jesuisi, kiamy rarybere tamyreny irybe hitxina wesemy ibutumy tuu rotỹnykremy. <sup>10</sup>Tahe Pedro tamaydese ritamy reare tahe xiwena wedu deõdu riwotõmonyre. Malõõ heka inire. Pedro Malõõ nohõti riorore ruruwe-ribi ludu wahe. <sup>11</sup>Jesuisi rarybere Pedro-õ: —Amaydese birutyke. Jiarỹ Waha deewimy aõhebo arotỹnykrekõ aõbo wadi tahõtinyteri. Aõhõkỹmy arotỹnyõkemy aõbo wadi tahõtinyteri.

<sup>12</sup>Tahe soldadu, tadinodu-wana, judeu yrubudỹydu-wana Jesuisi rimyre ritaataamy ridyre. <sup>13</sup>Kia beõra Kaifa xiwena wedu tyhy rare. Anasi iriõre labie rare. Tai tahe juhuu Ana-õ ridyre. <sup>14</sup>Kaifa tahe juhuu judeu mahãdu-õ rarybere: —Wiji beõramy hãbuõ iny mahãdu õraru-ki rurukremy rahõtinyteri.

<sup>15</sup>Simaõ Pedro inyõ-wana rare Jesuisi hewomy. Kia Pedro-wana rare, kia xiwena wedutyhy eryna rare. Tai tahe ralore õtity ijõrore-di. <sup>16</sup>Pedro tahe ahanakile rỹire. Kia Pedro-wana rare. Rohonyre hetowo-ribi hetojõ-di itxeredu-õ rarybere, tahe Pedro ridyre hetowo-õ. <sup>17</sup>Kia ijadõma, heto ijõ-di itxeredu rarybere Pedro-õ: —Kai Jesuisi erydỹkỹna mahãdunokõ anobo tate. Tahe Pedro dirawyõnyde: —Aõkõre. <sup>18</sup>Tahe soldado yrubudỹydu tai rahetõmy rỹimyhỹ, heto ludu deõdu mahãdu-wana txutãtã riki. Pedro iyrenykile rỹimyhỹ rahetõmy.



<sup>19</sup> Tahe xiwena wedu tahe Jesuisi-ò rỹrãxire. Aõhebohe aerydỹna mahãdu-wana tadotỹnymahãte. Timybohe tebedeerynymahãte. <sup>20</sup> Tahe Jesuisi ritỹnnyre: —Ibutumy inyko relyymahãre iwasimy aõkõ heka relyymahãre. Judeu dohodỹna hetokile relyymahãre Deuxu dohodỹna heto-wana. Titxibo judeu mahãdu ributunymyhỹremy relyywãhãre. <sup>21</sup> Tai aõherekibo wadee tỹrãxiteri. Myrãxike wadee ijohonadu-ò. Tiiboho ka rierenyre aõmybo rarybere. <sup>22</sup> Jesuisi kia rarybereu, soldadu itxereduõ rihetenyre. Tahe rarybere: —Tu heka rybeõmyke xiwena wedutyhy-ò. <sup>23</sup> Jesuisi dirawyõnyde: —Jiarỹ ibinamy aõmybo rarybera-wana, manarybeke tuu. Aõkõkeki, awimy rarybera-wana aõherekibo tiwahetenyte. <sup>24</sup> Anasi tahe Jesuisi ridykemy riteõnyre tataanadihyyle Kaifa-ò, xiwena wedutyhy wahe.

<sup>25</sup> Kowa tahe Simaõ Pedro ratximyhỹre rahetõmy rỹimyhỹ. Inyõ rỹrãxire: —Kai aõbo ierydỹna mahãduõ tate. Tahe rexitxiõnyre. Jiarỹ ijõ aõkõ rare. <sup>26</sup> Xiwena wedu deõduõ Pedro-ò rỹrãxire: —Tii heka Pedro ritõhõtiorore ijojõ rare. Tahe tamy rarybere: —Umy taheka rabire tii-wana bederaty oworuro-ki atximahã-ò. <sup>27</sup> Pedro ixityre rexitxiõnyre. Aõwesele tahe hãnie hãbu robure.

<sup>28</sup> Idi tahe Kaifa heto-ribi Jesuisi ridyrenyre ywisidỹna-ò bede dinodu heto-ò rudiulere. Tiiboho rirõnyõhyre brebuna-di rexisunynheny. Rirõnyrenykeki, tahe Pascoa worana bedehesi rỹsãnaõ rirỹsõtyhy. Tiiboho dori rõhõtinyre rirõnykeki, brebuna raremy. <sup>29</sup> Tahe Pilato rõhõnyre tamy rarybekremy: —Tahe Jesuisimy tamy rỹrãxire kia hãbumy terajuatenyteri aõhebohe rotỹnyra.

<sup>30</sup> Tahe dirawyõnyde: —Aõbibina binamy rotỹnykõhyra wana inihe aridyrenyõhyreri. <sup>31</sup> Tahe Pilato rirawyõnyre: —Bidyke abede ywina rybe-di biywinyke. Tahe judeu mahãdu rarybere: —Wabede ywina rybe warubudỹmy rybe aõkõ rare. Inyõ heka arirubunynyõtyhy. <sup>32</sup> Kia rybe tahe Jesuisi rybe wesemy rare. Tii dori iximy rarybere timybo rurukremy. Tai timybo irybe hitxina wesemy raryberemy ibutumy rarekre.

<sup>33</sup> Ixityre Pilato ralore ywisidỹna-ò Jesuisi-ò rỹrãxire: —Kai aõbo judeu mahãdu Iòlò tate. <sup>34</sup> Jesuisi ritỹrãxinyre: —Rãxina aõbo ahõrõ rare ada ijõ aõbo wamy kia rarybere. <sup>35</sup> Tahe Pilato rarybere: —Jiarỹ wa judeu mahãdu aõkõ wãhãre. Aõbinatyhymy aõbo he tewinyte. Judeu mahãdu wadee tiwadyte. <sup>36</sup> Jesuisi dirawyõnyde: —Waiòlõna hãwã bede ludu aõkõ rare. Waiòlõna kaki ratxikeki wamahãdu wadee raaõbinanyke. Tai tahe judeu mahãdu-ò riwawahinykemy aõkõ watxiwãhãre. Tahe aõkõre kabede ludu aõkõ Waiòlõna rare. <sup>37</sup> Pilato tahe rarybere: —Kai aõbo inatyhy iòlõmy tate. Tahe Jesuisi dirawyõnyde: —Kai ka wamy tarybeta. Kia-ò uludumy anade. Kia-ò anade, inatyhynamy arelyykemy. Inyõ inatyhynamy luukeki warybe-ò roholamyhỹre. <sup>38</sup> Tahe Pilato rỹrãxire: —Aõbo inatyhyna rare. Ta rybe rahudi tahe judeu mahãdu-ò rarybekemy rare. Tiu kỹny kahãbu-ki aõ ibinamy tai rahaõhyra. <sup>39</sup> Inyõ ariteõnykemy watxireri kaiboho wadi tõhõtinyhytenyteri ka woranabedehesi-ki. Tahe judeu Iòlò aõbohe ka

ribi ariteònykre ywihyyle. <sup>40</sup> Tahe ixityre ibutumy ryryrenyre: —Kia hãbu aõkõre, Baraba biteònyke (Baraba heka hãbu debore wasidu rare.)

**19** <sup>1</sup> Idi tahe Pilato Jesusimy erotiyhyta-di raðhòtekremy soldado mahãdu riteranyre. <sup>2</sup> Soldado mahãdu edehekỹ rataanadile ira-ò ritidire, iumy tahe tylỹrehekỹ-di rityynyre iòlòtyywesekemy. <sup>3</sup> Tamy rehemynymyhỹre: —Aõherebo iòlòtyhy wesena, tahe rihetenyrenyre. <sup>4</sup> Pilato tahe ixityre ròhònymy iny-ò rarybekemy: —Ixityresỹ adeereny redyreri. Bierybenyke. Aõ heka tai ibinaõhyumy idi retehewãhãre. <sup>5</sup> Tahe Jesusi ròhònnyre ede rataana-di tylỹrehekỹ-di. Tahe Pilato tamy rarybere: —Kakỹnyhe tiire. <sup>6</sup> Tahe xiwena wedu mahãdu, yrubudỹydu mahãdu tuu robireu, ryryrenyre birubunybenyke, itxeò dee bitamadỹnyke. Pilato rarybere: —Kaibohole itxeò-di bitamadỹnybenyke. Jiarỹ tahe tai ibinamy aõki rahaõhyumãhãre. <sup>7</sup> Tahe judeu mahãdu rarybere: —Jiarỹboho kỹny wabede ywina renydire. Rurukemy heka tuu bede ywina roireri, tii dori Deuxu Riðremy rexininimyhỹre. <sup>8</sup> Pilato kia-ò roholareu tahe, ruberutyhyre. <sup>9</sup> Ixityre ralore ywysidỹna heto-ò: —Rarybere Jesusi-ò, tiribi wexe tanate. Jesusi rirawyònyõhyre. <sup>10</sup> Tahe Pilato rarybere: —Bidiwarawyònyõkre aõbo. Jiarỹ warurudire anarubunyke aõbo ada arateònyke aõbo. <sup>11</sup> Jesusi rirawyònyre: —Aruru-di aõkõ tate. Deuxu kidiwahinykekile tahe biwateònyke ada biwarubunyke. Tai tahe adee wawahidỹydu aratyre iòraru dire. <sup>12</sup> Tai tahe Pilato iteòdỹmy rurure. Tahe judeu mahãdu tamy ryryre: —Kai biteònykeki tahe, iòlò Cesar biòwa aõkõ tate. <sup>13</sup> Kiarybe-ò Pilato roholareu tahe, Jesusi diòlòdỹnyde ahana-ò. Pilato tahe ywisidỹna ryna-ò rexisỹnyre. Kia ubeni heka Rirana Ijãti inire. Tahe judeu rybe-ki heka Kabata inire. <sup>14</sup> Pascoa worana bedehesitxu sexta feira rỹire. Txutyre iòhòmny tahe bede rỹire. Tahe Pilato rarybere judeu mahãdu-ò: —Betehebenyke aiòlòreny-ò. <sup>15</sup> Tahe tiiboho ryryrenyre. Bidybenyke! Itxeònihikỹ-ò birubunybenyke. Pilato tahe tamy rarybere: —Aiòlò aõbo, birubunybeny. Tahe xiwena wedu rirawyònyre: —Iny iòlòreny sohojile wa rare: —Cesar heka inire. <sup>16</sup> Tahe Pilato Jesusi tamyreny riwahinyre rirubunyrenykemy.

<sup>17</sup> Tiiboho heka Jesusi ridyrenyre. Iitxeò tamy riwahinyre idi retyykremy. Tahe Kalvariu-ò idi ridymy rare. Kalvariu heka Kòkòta inire judeu rybe-ki. <sup>18</sup> Tai itxeò nihikỹ dee ritamadỹnyre ijõ hãbu inatxiõ-wana Jesusi itxeònihikỹ itya-ki rỹire. Hãbu wiò wiòmny idi rỹire. <sup>19</sup> Pilato riritinyre ritidỹna-ò Jesusi tyre-ò ritidire. Kawesemy ritidỹna roire: —JESUISI, NAZARE HÃWÃ LUDU, JUDEU MAHÃDU IÒLÒ. <sup>20</sup> Hãwã-ribi ireheriðremy roire. Tai tahe sòwemy judeu mahãdu tuu robire iritidỹnamy. Inataõ rybemy witxira riti heka inataòmny roire. Judeu rybe ijõre, latim rybe ijõre, grego rybe ijõre. <sup>21</sup> Judeu xiwena wedu mahãdu Pilato-ò rarybere: —Judeu mahãdu iòlò rarybere: —Iritidỹõmyke wa. Kawesemy biritinyke: —Tii rarybere judeu mahãdu iòlò raremy. <sup>22</sup> Tahe Pilato dirawyònyde: —Iwese reritinyre wesemy rarehyykre.

<sup>23</sup> Soldado Jesusi itxeònihikỹ-ò ritamadỹnyumy rahudi tahe, ity ritxuatuakremy diwyde. Inaubiòwa heka riywinyra. Wirarea riwykremy soldado mahãdu idi rỹireri. Iyhyitxena tahe iretydyna-di aõkõ rare.

24 Tahe ijõ widee rarybere: —Iyreyredỹrenyõmyke wa urile ta idi rikihurenkyre mobo ritakremy. Kia ryberiti-ki tuhyy roire:

—Watyy ritxuatxuare ijõ yre wimy riywinyrenyre. Tule wayhyitxena tyre-ki rehurenyre mobo ritakremy. Tahe iwese Tyyriti rarybere wese, soldadu mahãdu ibutumy aõhebo risỹnyre.

25 Inaubiõwa hãwyy retehemy rỹimyhỹ Jesuisi itxeõnihikỹ iõhõmy. Jesuisise taseriõre-wana, Marie Madalena ijõre, Klopa hãwyy ijõre.

26 Jesuisi tadimy robireu, Joaõ, taerydỹña luunadu bire-ki, tahe rarybere: —Nadi beteheke wa kowa ariõre rare. 27 Tahe Joaõ-õ rarybere: —Kaa adi rare. Ierydỹña Joaõ tahe ridyre taheto-õ tai rasỹnykemy.

28 Jesuisi tahe rieryre ibutumy rexihuramy tahe rarybere: —Ariõkemy watzireri. Kaimy heka rarybere aõbo Ritidỹña-ki roire riwinykemy. 29 Tai tahe vỹi mona silỹnyhỹkỹ-ki raharenyre. Tahe Jesuisi-õ iwereheni wese-õ rituunymy idi riteõnyre iry-õ teõdimy. 30 Jesuisi tuu riõre idi tahe rarybere: —Ibutumy Waha aõmysdỹña rexihumy roire. Tahe rõtìòrõmy resere iule ta rurure.

31 Kia sabadotxu heka worana bedehesitxu nihikỹõ rare, brebuna rare. Tai tahe hãbu rubu itxeõ-ki ririkõkemy tuu rarybemyhỹre. Tai Pilato-õ judeu mahãdu rexitõenyre hãbuti riõrõmy riteõnykemy, itxeõ-ribi ritakemy. 32 Tahe soldado mahãdu hãbuti wiõle riorore. 33 Jesuisi tahe rurumy roireki iti riõrõre.

34 Soldadoõ tahe Jesuisi-ki rojyre iweki tahe hãlubule rohonyre bewana. 35 Kia tuu rabire tahe õbitimy tuu jiarỹ rarybere, Joaõ wahe. Waritidỹña inatyhy raremy, reeryre. Kaiboho bityhynybenykemy, adireny watzireri. 36 Kaheka ibutumy iritina hetxina tuu rarybere heka ibutumy tuu rotỹyre. Kia wesemy roire: —Iti riõrõõkre, sohoji aõkõ. 37 Ijõ iritinaõ kawesemy roire:

—Riorenkyre tõnori-di idi reteherenkyre tamy.

38 Jyje heka Arimatea hãwã luduõ rare. Idi tahe tii Pilato-õ rexitõenyre Jesuisi umymy rituunykremy. Tii heka Jesuisi heluduõ rare. Judeu mahãdu lau ruberumyhỹ tai Pilato-õ rare wasimy. 39 Pilato tahe awiremy rarybere. Tahe Jesuisi umy riwyre. Nikodema tule rare Jyje-wana. Tii juhule rumy Jesuisi-wana widee raryberele rare. Tii õwõrutyby õwõruõbru-wana aderõna wesemy diwyde sõwemy, 45 urihixinamy riutxienanyre. 40 Tahe Jesuisi umy tyky jurarehe-wana ritỹtenyre aderõna wanahyyle. Kawesemy dori judeu mahãdu iny rituunymyhỹre. 41 Itxeõalamana-ribi bederaty oworu iõhõmy roire. Ityi-ki tahe wabede tamyra roire. Mana hãloo rỹire tai heka moo rawabedenyõhyyre. 42 Tai tahe rawabedenyre iõhõreki, tule judeu worana bedehesina txumy roireki.

**20** 1 Semana juhu ludu txu Marie Madalena rehemynyre wabede-õ, rudile wahe. Mana ijõtõbõna iraylemy rỹiremy idi retehere. 2 Tahe rajjaranyre Simaõ Pedro-õ, ijõ Jesuisi luunaduõ wahe, Joaõ-õ, jiarỹle wahe. Tahe wadeereny rarybere: —Wahĩ tahe hãlokowoku-ribi ritakarenyra. Titxibo ritidira, rekerykõre. 3 Pedro tahe rõhõnyre, Joaõ-wana wabede-õ roire. 4 Wiwana rajjaranyre tahe jiarỹ Pedro ratyre rajjaranyre tamy. Jiarỹle heka juhu tamy rehemynyre. 5 Tahe rawebesere iwo-õ itxeremy. Irahanalem

rabire. Ta ralõohyire tamy. <sup>6</sup>Idi Pedro rehemynyre ralore tamy. Tule irahanamy robire. <sup>7</sup>Jesuisi rati rasirahana rihitxinyomy roire ixivanale. <sup>8</sup>Take jiarỹ juhu rehemynyre take Pedro hewomy ralore. Tuu robire, retyhynyre. <sup>9</sup>Tiiboho dori ritina rieryrenyre ihãre take rierytyhykõlerenyre. Jesuisi rubu-ribi rexiixixanykemy ritina roire. Tii take rierytyhykõlerenyre. Take wiji rieryrenyra. <sup>10</sup>Take ixyby raðkeserenyre inyhetoreny-ð.

<sup>11-12</sup>Marie take robumy wabede-ribi iðhõmy rỹire. Rawebesere take wabedewo-ð itxeremy. Inatxi ýjummy robire iwo-ki itykyuramy roimyhỹ. Ijõ heka rỹmy rononymhỹ Jesuisi ratiherina tyre-ki. Ijõ take iwaherina-ki rononymhỹ. Jesuisi umy take iõre. <sup>13</sup>Take ýju Marie-ð rỹýraxire: —Hãwyy, aõherekibo tabureri. Rirawýõnyre: —Wahĩ kumy dokuri riwymy ramyhỹre. Rekerykõre titxibo ritidira. <sup>14</sup>Iu rarybereu take tahewoõle roosere. Jesuisimy robire rỹimyhỹð. Tii heka rieryõhymyhỹ tii Jesuisi raremy. <sup>15</sup>Take Jesuisi rỹýraxire: —Hãwyy aõmybo tabuteri, mobo teijeteri. Bederaty oworu ywidýýðu raremy heka tii rõhõtynyre: —Take dirawýõnyde: —Wahĩ, kai anobo karibi tetakata-wana wakoku tuu belykyke. Take jikarỹ karikorykremy. <sup>16</sup>Take Jesuisi tamy rryre: —Marie! Marie rokesemy reare rijjemy: —Wahĩ, erydýkýðu! (Tii hebraika rybe tuu rarybere: —Raboni, wahe.) <sup>17</sup>Jesuisi rarybere tamy: —Waroorehedýõmyke wa. Waha-ð dori raõlemy wãhare take arakre. Kai tyhydýýðu seriõre-ð makre tamy rybemy. Jesuisi rarybere kawesemy: —Arakre inytybyreny-ð, iny Deuxurený-ð. <sup>18</sup>Idi take rarybere erydýýna mahãdu-ð Wanyrỹmy rabira. Marie Madalena relyyre timybo raryberamy.

<sup>19</sup>Semana juhu ludu txuu, txioromy heka Jesuisi erydýýna mahãdu wii ributunymy rỹimyhỹ hetowoõ-ki. Ibutumy ijõ ritõbõtõbõnyra judeu mahãdu lau brebumy. Jesuisi take nade iyreny-ð rexitýnynyre. Rarybere: —Ywina araykywo-ki atxikemy idi watzireri. <sup>20</sup>Kia rarybereu take tebð rurena riteõsinyre, tawerurena tule riteõsinyre tamy. Iule take reysarenyre Jesuisimy robireki wahe. <sup>21</sup>Ixyby tamy Jesuisi rarybere: —Ywina araykywo-ki rarekemy idi watzireri. Iwese Waha diwateõnyde wese tule arateõnykre. <sup>22</sup>Iu take ribunymy rarybere: —Deuxu Tytybytyhy tetateri. <sup>23</sup>Inyðrarunaõ biixãwididýýnykeki tule kia ðraruna ariixãwidinyke. Tule aõkõkeki, ijõ ðraruna biixãwididýýnyõkeki, kia tule ariixãwididýýnyõke.


<sup>24</sup>Tome (Inatxina iniõre) tii waðinatxi reurð mahãduõ rare, take tairenýõre heka Jesuisi nadeu. <sup>25</sup>Jesuisi erydýýnaõ rarybere: —Wanyrỹmy rabirenyra. Take Tome tamyreny rarybere: —Retyhynýõre kýnyhe.

<sup>26</sup>Semana sohoji bededýýnanamy idi rỹire, ixyby wii ributunyre Jesuisi erydýýna mahãdu. Iu take Tome tii mahãdu-wana ratximyhỹ. Ijõ ritõbõtõbõnymy rỹimyhỹ. Take Jesuisi nade iyreny-ð. Tamyreny rarybere: —Ywina-di araykywo-ki atxikemy idi watzireri. <sup>27</sup>Take Jesuisi Tome-ð rarybere: —Betehe inihe wadebõrurena-ð ebð inihe tamy bidadidike. Tule wawerurena-ð ebð bidadidikre. Itxiõdýýõmyke wa, bityhynye. <sup>28</sup>Tome tai dirawýõnyde: —Wanyrỹ, waDeuxu. <sup>29</sup>Take Jesuisi rarybere: —Tome, kai

aõbo biwatyhynykre wamy tabiterikile. Sõwemy deysana inyõ kanakemy wãhãre tiiboho dori wamy robiõre hãrele riwatyhynyrenyre.

<sup>30</sup>Jesuisi heka sõwemy aõwihikỹbo riwinyre. Ierydỹña mahãdu heka kia aõmybo robire. Kia aõmydỹñana heka ihoõre kaki iritina-ki. <sup>31</sup>Kaa ritidỹña reritinyre Jesuisi Kristumy rare. Deuxu deõdỹña rare. Kia bityhynybenykemy wahe, Deuxu Riõre wahe tetyhynyteri-wana tahe umytuedeõna bitakre, ini õraru-ki wahe.

**21** <sup>1</sup>Iribi tahe Jesuisi rexitỹnynyre Tiberiade ahohokỹ jã-ki. Kia wesemyre heka. <sup>2</sup>Ibutumy heka juhu rỹimyhỹ: —Simaõ Pedro, Tome Didimo iniõre, Natanaeli. Tii Kana hãwã ludu rare, Kalileia bedeki. Zebedeu riõreboho ijõre, inatxi Jesuisi ierydỹñaõ ijõre. Rarekie. <sup>3</sup>Tahe Simaõ Pedro rarybere tamyreny: —Riã teredỹmy arakre. Imahãdu rarybere: —Jiarỹboho aroirenykre ahemy. Tahe roirenyre hãwõ-di. Aõhomy aõkõ ruu idireny nade. <sup>4</sup>Tahe bedeki ratỹnyrau heki Jesuisi ýnyrakile ratximyhỹ. Ierydỹña mahãdu tahe rieryõhyymyhỹre. <sup>5</sup>Jesuisi ryryre tamyreny rỹyraxire: —Ijoi moõ rokoreny. Utura aõbo temytenyta? Rirawyõnyre: —Aõkõre wa. <sup>6</sup>Kaiboho biterebenyke rurunawe-ribi taita bimybenykre. Tahe riterenyre sõwemy rautxienyre iriã heka ritusinyõhyymyhỹrenyre utura sõwerekiki. <sup>7</sup>Kia ierydỹñaõ Jesuisi luunaduõ rare jiarỹ, Joaõ wahe. Jiarỹ tahe Pedro-õ rarybere: —Inynyryle wa rare. Pedro Jesuisi raramy roholareu, tatyky tawetyamy ritaamy tamy resere, tade hekỹlemy rareki. Tahe resere bera-txi tamy rakremy. <sup>8</sup>Ijoi mahãdu riã-di narurunymy nade utura sõwerekiki. Tahe 100 urihixinamy ýnyra-ribi ratximyhỹreny. <sup>9</sup>Ýnyra-õ



(Joaõ 21.6)

rejuxunyreu tahe, robirenyre heõtymy obiurawo-ki. Orotxu tule tai rÿire.

<sup>10</sup> Jesuisi tamy rarybere: —Uturaõ bidiwybedenyke wiji temytenytaõ. Simaõ Pedro hãwororibile riã-di rarurunyre. Sõwemy heka tai utura nihikÿ rÿimyhÿ, 153 wahe. Ihãre tahe riã raðrõðhyyre. <sup>11</sup> Tahe Jesuisi rarybere: —Manake hewa biroxiবেনyke. <sup>12</sup> Ibutumy ierydÿÿna mahãdu rieryre tii inynrÿreny raremy. Tai tahe inyõ rÿÿraxiõhyyre: —Mobo tii raremy. <sup>13</sup> Tahe Jesuisi orotxu rimyre. Tamy riwahinyre. Ixiyrubule utura tamy riwahinyre. <sup>14</sup> Kia tahe ihewotyhyimy Jesuisi rexideòsinyre taerydÿÿna mahãdu-ò, rubu-ribi dexixade hewomy wahe.

<sup>15</sup> Riroximy rahudi tahe Jesuisi Pedro-ò rÿÿraxire: —Simaõ, Joaõ riðre, kahãbu mahãdu waluure. Kai tahe iratyre aõbo waluure. Tii rirawyònyre: —Kai tiwaeryte, aluure. Tahe Jesuisi rarybere: —Wabudoeni riðre bidiòwenyke. <sup>16</sup> Ixityre rÿÿraxire: —Simaõ, Joaõ riðre, kai aõbo waluure. Tahe Pedro rirawyònyre: —Kohe, Wanyrÿ aluure jiarÿ, tiwaeryta. Tahe Jesuisi rarybere: —Bidyke wabudoeni biòwenykemy. <sup>17</sup> Ihewotyhyimy tahe Jesuisi rÿÿraxire: —Simaõ, Joaõ riðre, kai aõbo waluure. Iu tahe Pedro rabadewomy ronyre, ixityremy rÿÿraxireki. Tahe dirawyònyde: —Wanyrÿ, ibutumy teeryte aõna aõna. Aluure heka, tiwaeryta. Tahe Jesuisi rarybere: Wabudoeni biòwenyke. <sup>18</sup> Inatyhyimy adee ararybekre. Iu ijoi morõkõmy tatemahãu, ixiwanale textyynmahãte ixidee wimy titxibo tamahãte. Iu tahe mamatuarinykre inywitxira aratyynykre, Ebò biteòsinykre iny arataaanykre tahe inyõ aradykre titxibo noderamy beakreò. <sup>19</sup> Kiamy heka Jesuisi rarybere ritÿnynykremy timybo Pedro rubu-ò rÿikremy. Tai Deuxu riwowydynykre. Idi tahe Jesuisi rarybere: —Biwaheludunyke wa. <sup>20</sup> Tahe Pedro retehere Joaõ Jesuisi hemy rarerið, Joaõ Jesuisi luumy raremyhÿ. Joaõ ihetxiu Jesuisi-ò iòhõmy rÿÿraxire jiarÿ wahe: —Mobo iwahisidÿÿdukremy, ihewo ludu roxina rÿireu. <sup>21</sup> Tahe Pedro Joaõmy robireu, rÿÿraxire Jesuisi-ò Joaõmy. Aõbo he tamy rotÿÿnykre. <sup>22</sup> Tahe Jesuisi rirawyònyre: —Tii rurukõlemy adòðsekemy idi watzikeki, timybo tahõtinyte. Adee tahe biwaheludunykekile awike. <sup>23</sup> Ierydÿÿna mahãdu rarybemy raremyhÿ: —Kiamy wahe Joaõ rurukõlemy Jesuisi rarybere. Tahe kiamy aõkõ Jesuisi rarybere. Jesuisi juhuu rarybere: —Tii rurukõle adooskre-wana, timybo tahõtinytenyteri.

<sup>24</sup> Jiarÿ tahe kia aõmydÿÿnanamy relymahãre, Joaõ wahe, reritinymahãre. Inatyhyimy kia tuu rare, jiarÿ tuu relymahãre.

<sup>25</sup> Sõwemy aõmydÿÿnanamy tahe Jesuisi riwinyre. Inyõ ibutumy riritinykeki, iritina heka bede ritÿxinykre tyyriti sõwekre-wana.